

ЎЗБЕКИСТОН РЕСПУБЛИКАСИ
ҚОНУНЧИЛИК
ТЎПЛАМИ

42-43-сон
(1114-1115)
2023 йил
октябрь

Ўзбекистон Республикаси қонунчилик тўплами беш бўлимдан иборат:

биринчи бўлимда Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон ва қарорлари эълон қилинади;

учинчи бўлимда Вазирлар Маҳкамасининг қарорлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

бешинчи бўлимда вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Биринчи бўлим

430. «Ер тўғрисидаги қонунчилик такомиллаштирилиши муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида» Ўзбекистон Республикасининг 2023 йил 23 октябрдаги ЎРҚ–871-сон Қонуни
431. «Ўлчаш воситаларини қиёслашдан ўтказиш соҳасига хусусий сектор жалб қилиниши муносабати билан «Метрология тўғрисида»ги Ўзбекистон Республикаси Қонунига ўзгартириш ва қўшимчалар киритиш ҳақида» Ўзбекистон Республикасининг 2023 йил 26 октябрдаги ЎРҚ–872-сон Қонуни

Иккинчи бўлим

432. «Авиация фаолиятини самарали ташкил этишга оид қўшимча чора-тад-

бирлар тўғрисида» Ўзбекистон Республикаси Президентининг 2023 йил 16 октябрдаги ПҚ–337-сон қарори

433. «Ичимлик сув таъминоти ва оқова сув тизимини янада такомиллаштириш бўйича қўшимча чора-тадбирлар тўғрисида» Ўзбекистон Республикаси Президентининг 2023 йил 24 октябрдаги ПҚ–343-сон қарори

Бешинчи бўлим

434. Ўзбекистон Республикаси Бош прокуратураси хузуридаги Иқтисодий жиноятларга қарши курашиш департаменти бошлигининг 2023 йил 28 сентябрдаги 37-сон «Қимматбаҳо металл ва қимматбаҳо тошлар билан боғлиқ бўлган операцияларни амалга оширувчи шахслар учун жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича ички назорат қоидаларига ўзгартиришлар киритиш тўғрисида»ги буйруғи (*Ўзбекистон Республикаси Адлия вазирлиги томонидан 2023 йил 16 октябрда рўйхатдан ўтказилди, рўйхат рақами 2034-7*)
435. Ўзбекистон Республикаси Миллий гвардияси қўмондонининг 2023 йил 28 сентябрдаги 250-сон «Идоравий ҳарбийлаштирилган кўриклаш ҳамда идоравий қоровуллик бўлинмалари ишчиларининг ва хизматчиларининг хизмат-жанговар, ижтимоий-ҳуқуқий, ахлоқий-руҳий ҳамда жисмоний тайёргарлигини амалга ошириш тартиби тўғрисидаги низомни тасдиқлаш ҳақида»ги буйруғи (*Ўзбекистон Республикаси Адлия вазирлиги томонидан 2023 йил 16 октябрда рўйхатдан ўтказилди, рўйхат рақами 3464*)
436. Ўзбекистон Республикаси соғлиқни сақлаш вазирининг 2023 йил 13 октябрдаги 41-сон «Ўзбекистон Республикаси Давлат бюджети маблағлари ҳисобидан қопланадиган, туман (шаҳар) даражасида амбулатор ва стационар шароитда кўрсатиладиган тиббий ёрдамнинг кафолатланган ҳажмлари рўйхатини тасдиқлаш ҳақида»ги буйруғи (*Ўзбекистон Республикаси Адлия вазирлиги томонидан 2023 йил 17 октябрда рўйхатдан ўтка-зилди, рўйхат рақами 3465*)
437. O'zbekiston Respublikasi adliya vazirining 2023-yil 19-oktabrdagi 13-mh-son «Tovar belgisi va xizmat ko'rsatish belgisini ro'yxatdan o'tkazish uchun talabnoma tuzish, topshirish va ko'rib chiqish qoidalarini tasdiqlash to'g'risida»gi buyruq, shuningdek unga o'zgartirish va qo'shimchalarni o'z kuchini yo'qotgan deb topish haqida»gi buyrug'i (*O'zbekiston Respublikasi Adliya vazirligi tomonidan 2023-yil 19-oktabr ro'yxatdan o'tkazildi, ro'yxat raqami 1988-7*)
438. Ўзбекистон Республикаси Давлат хавфсизлик хизмати раисининг 2023 йил 14 октябрдаги 113-сон «Ўзбекистон Республикаси Давлат хавфсизлик хизмати байроғи ва эмблемасидан фойдаланиш тарти-

би тўғрисидаги низомни тасдиқлаш ҳақида»ги буйруғи (*Ўзбекистон Республикаси Адлия вазирлиги томонидан 2023 йил 19 октябрда рўйхатдан ўтказилди, рўйхат рақами 3466*)

439. Ўзбекистон Республикаси ички ишлар вазирининг 2023 йил 12 октябрдаги 517-сон «Ўзбекистон Республикаси Ички ишлар вазирлиги тергов хибсхоналарининг ички тартиб қоидаларига ўзгартиришлар ва қўшимча киритиш тўғрисида»ги буйруғи (*Ўзбекистон Республикаси Адлия вазирлиги томонидан 2023 йил 19 октябрда рўйхатдан ўтказилди, рўйхат рақами 2456-6*)

440. Ўзбекистон Республикаси Адлия вазирлигининг 2023 йил 27 октябрдаги 3-сон ва Рақамли технологиялар вазирлигининг 2023 йил 26 октябрдаги 23/11-сон «Давлат хизматлари ягона реестрини тасдиқлаш тўғрисида»ги қарор, шунингдек унга ўзгартириш ва қўшимчаларни ўз кучини йўқотган деб топиш ҳақида»ги қарори (*Ўзбекистон Республикаси Адлия вазирлиги томонидан 2023 йил 27 октябрда рўйхатдан ўтказилди, рўйхат рақами 3181-4*)

441. Ўзбекистон Республикаси адлия вазирининг 2023 йил 27 октябрдаги 14-мх-сон «Давлат хизматлари ягона реестрини тасдиқлаш тўғрисида»ги буйруғи (*Ўзбекистон Республикаси Адлия вазирлиги томонидан 2023 йил 27 октябрда рўйхатдан ўтказилди, рўйхат рақами 3467*)

Вазирликлар, давлат қўмиталари ва идораларнинг норматив-ҳуқуқий ҳужжатларини давлат рўйхатидан ўтказиш ҳолати тўғрисидаги маълумот

БИРИНЧИ БЎЛИМ**ЎЗБЕКИСТОН РЕСПУБЛИКАСИНИНГ ҚОНУНИ****430 Ер тўғрисидаги қонунчилик такомиллаштирилиши муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида***

Қонунчилик палатаси томонидан 2023 йил
25 июлда қабул қилинган

Сенат томонидан 2023 йил 29 сентябрда
маъқулланган

Мамлакатимизда ер муносабатлари соҳасида жисмоний ва юридик шахсларнинг ҳуқуқларини ишончли тарзда ҳимоя қилишга қаратилган изчил ислохотлар амалга оширилмоқда.

Шу билан бирга ер участкаларини ижарага олишда ижара муносабатларининг ўзига хос хусусиятларини аниқ белгилаш, ўзганинг ер участкасидан чекланган тарзда фойдаланиш (сервитут) ҳуқуқини амалга ошириш тартибини янада такомиллаштириш, жамоат эҳтиёжлари учун оммавий сервитут белгилашни ҳуқуқий жиҳатдан тартибга солиш зарурати юзага келмоқда.

Ушбу Қонун билан Ўзбекистон Республикасининг Фуқаролик кодексига, Ўзбекистон Республикасининг Ер кодексига сервитут тўғрисидаги шартномага, сервитут иштирокчиларининг ҳуқуқ ва мажбуриятларига, сервитутни ўзгартириш ва уни бекор қилиш, сервитут учун ҳақ тўлаш, оммавий сервитутни белгилаш қоидаларига доир қўшимчалар киритилмоқда.

Бундан ташқари ижара муносабатларининг объектига бўлган ҳуқуқ ва мажбуриятларни бошқа шахсга ўтказиш (қайта ижарага бериш) тартиби белгиланмоқда, ер участкаларини ижарага бериш тартиби ҳамда жисмоний ва юридик шахсларнинг ерга бўлган мулк ҳуқуқини бекор қилиш асослари аниқлаштирилмоқда.

Мазкур Қонун ижара муносабатлари янада кенгайишига, сервитут белгилаш билан боғлиқ муносабатларни ҳуқуқий жиҳатдан тартибга солишга, ер эгалари, ердан фойдаланувчилар, ер участкалари ижарачилари ва мулкдорларининг ҳуқуқлари ишончли ҳимоя қилинишига хизмат қилади.

1-модда. Ўзбекистон Республикасининг 1990 йил 31 октябрда қабул қилинган «Ўзбекистон Республикасида мулкчилик тўғрисида»ги 152–ХII-сонли Қонуни (Ўзбекистон Республикаси Олий Кенгашининг Ахборотномаси, 1990 йил, № 31-33, 371-модда; 1993 йил, № 5, 235-модда; 1994 йил, № 11-12, 285-модда; Ўзбекистон Республикаси Олий Мажлисининг Ахборотномаси,

* Ушбу Қонун «Қонунчилик маълумотлари миллий базаси»да 2023 йил 25 октябрда эълон қилинган.

1995 йил, № 6, 118-модда; 1997 йил, № 2, 56-модда; 2003 йил, № 1, 8-модда; Ўзбекистон Республикаси Олий Мажлиси палаталарининг Ахборотномаси, 2017 йил, № 9, 510-модда; 2021 йил, 4-сонга илова) **7-моддасининг 8-бандидаги** «Савдо ва хизмат кўрсатиш соҳаси объектлари улар жойлашган ер участкалари билан бирга» деган сўзлар «Қишлоқ хўжалигига мўлжалланмаган ер участкалари» деган сўзлар билан алмаштирилсин.

2-модда. Ўзбекистон Республикасининг 1991 йил 19 ноябрда қабул қилинган «Ижара тўғрисида»ги 427–XII-сонли Қонунига (Ўзбекистон Республикаси Олий Кенгашининг Ахборотномаси, 1992 йил, № 1, 45-модда; 1993 йил, № 9, 329-модда; Ўзбекистон Республикаси Олий Мажлисининг Ахборотномаси, 2000 йил, № 5-6, 153-модда; Ўзбекистон Республикаси Олий Мажлиси палаталарининг Ахборотномаси, 2021 йил, 4-сонга илова) қуйидаги ўзгартиришлар ва қўшимча киритилсин:

- 1) **8-моддадаги** «ер ва бошқа табиий ресурслардан ташқари» деган сўзлар чиқариб ташлансин;
- 2) қуйидаги мазмундаги **8¹-модда** билан тўлдирилсин:

«8¹-модда. Ижара объектлари бўйича ҳуқуқ ва мажбуриятларни бошқа шахсга ўтказиш (қайта ижарага бериш)

Ижара муносабатларининг объектлари бўйича ҳуқуқ ва мажбуриятлар ижарага берувчининг розилиги билан ижарага олувчи томонидан бошқа шахсга ўтказилиши (қайта ижарага берилиши) мумкин, бундан ушбу модданинг иккинчи қисмида назарда тутилган ҳоллар мустасно.

Қишлоқ хўжалигига мўлжалланган ер участкалари бўйича ҳуқуқ ва мажбуриятлар фақат қонунда назарда тутилган ҳолларда ижарага олувчи томонидан бошқа шахсга ўтказилиши (қайта ижарага берилиши) мумкин.

Кўчмас мулкка бўлган ҳуқуқ бошқа шахсга ўтган тақдирда, ушбу объект билан бирга мазкур объект банд этган ҳамда ундан фойдаланиш учун зарур бўлган ер участкаси ижарасига доир ҳуқуқ ва мажбуриятлар ҳам қонунга мувофиқ бошқа шахсга ўтади, бунда ижарага берувчининг розилиги талаб этилмайди.

Қонунда белгиланган тартибда электрон онлайн-аукцион орқали қишлоқ хўжалигига мўлжалланмаган ер участкаларини ижарага олган жисмоний ва юридик шахслар ижарага олинган ер участкаларига нисбатан ҳуқуқ ва мажбуриятларни бошқа шахсга ижара муддатидан ошмаган муддатга ўтказиши (қайта ижарага бериши) мумкин. Бунда ижара шартномаси бўйича ҳуқуқ ва мажбуриятлар янги ижарага олувчига ўтади»;

3) 12-модданинг:

биринчи қисмидаги «ер» деган сўз «давлат мулкида бўлган ер участкалари» деган сўзлар билан алмаштирилсин;

тўртинчи қисмидаги «нарх-наво ва тарифлар» деган сўзлар «нарх-наво, тарифлар ва ер солиғи ставкалари» деган сўзлар билан алмаштирилсин;

4) 18-модданинг биринчи қисмидаги «ер ва бошқа табиий ресурслар бундан мустаснодир» деган сўзлар «бундан қишлоқ хўжалигига мўл-

жалланган ерлар ва бошқа табиий ресурслар мустасно» деган сўзлар билан алмаштирилсин.

3-модда. Ўзбекистон Республикасининг 1992 йил 13 январда қабул қилинган «**Алоқа тўғрисида**»ги 512–XII-сонли Қонуни (Ўзбекистон Республикаси Олий Кенгашининг Ахборотномаси, 1992 йил, № 3, 159-модда; Ўзбекистон Республикаси Олий Мажлисининг Ахборотномаси, 1998 йил, № 3, 38-модда; 2000 йил, № 5-6, 153-модда; 2003 йил, № 5, 67-модда; Ўзбекистон Республикаси Олий Мажлиси палаталарининг Ахборотномаси, 2014 йил, № 5, 130-модда; 2017 йил, № 4, 137-модда; 2021 йил, 4-сонга илова) **8-моддасининг учинчи қисмидаги** «ер эгалари ва ердан фойдаланувчилар ҳамда юқорида қайд этилган объектларнинг эгалари билан» деган сўзлар «ер эгалари, ердан фойдаланувчилар ва ер участкаларининг мулкдорлари, шунингдек юқорида қайд этилган объектларнинг эгалари билан» деган сўзлар билан алмаштирилсин.

4-модда. Ўзбекистон Республикасининг 1995 йил 21 декабрда қабул қилинган 163–I-сонли ва 1996 йил 29 августда қабул қилинган 256–I-сонли қонунлари билан тасдиқланган **Ўзбекистон Республикасининг Фуқаролик кодексига** (Ўзбекистон Республикаси Олий Мажлисининг Ахборотномаси, 1996 йил, 2-сонга илова, № 11-12; 1997 йил, № 2, 56-модда, № 9, 241-модда; 1998 йил, № 5-6, 102-модда; 1999 йил, № 1, 20-модда, № 9, 229-модда; 2001 йил, № 1-2, 23-модда, № 9-10, 182-модда; 2002 йил, № 1, 20-модда, № 9, 165-модда; 2003 йил, № 1, 8-модда, № 5, 67-модда; 2004 йил, № 1-2, 18-модда, № 5, 90-модда, № 9, 171-модда; Ўзбекистон Республикаси Олий Мажлиси палаталарининг Ахборотномаси, 2006 йил, № 4, 154-модда, № 9, 494, 498-моддалар; 2007 йил, № 1, 3, 5-моддалар, № 4, 156, 164-моддалар, № 8, 367-модда, № 9, 416-модда, № 12, 598, 608-моддалар; 2008 йил, № 4, 192-модда, № 12, 640-модда; 2009 йил, № 9, 337-модда; 2010 йил, № 9, 335, 337, 340-моддалар; 2011 йил, № 12/2, 363, 364, 365-моддалар; 2012 йил, № 4, 106, 109-моддалар, № 12, 336-модда; 2013 йил, № 10, 263-модда; 2014 йил, № 5, 130-модда, № 12, 343-модда; 2015 йил, № 8, 310, 312-моддалар; 2016 йил, № 4, 125-модда; 2017 йил, № 4, 137-модда, № 9, 510-модда, № 12, 773-модда; 2018 йил, № 1, 4-модда, № 4, 224-модда, № 7, 433-модда, № 10, 673-модда; 2019 йил, № 3, 161, 166-моддалар, № 5, 267-модда, № 10, 671-модда, № 12, 880, 886-моддалар; 2020 йил, № 1, 3, 4-моддалар, № 10, 593-модда; 2021 йил, 4-сонга илова, № 8, 801-модда, № 10, 968-модда; 2022 йил, № 2, 79-модда, № 3, 217, 218-моддалар, № 4, 340-модда, № 5, 464-модда, № 6, 570, 577-моддалар, № 11, 1062-модда) қуйидаги қўшимча ва ўзгартиришлар киритилсин:

1) 173-модданинг:

тўртинчи қисми қуйидаги мазмундаги **жумла** билан тўлдирилсин:
«Жамоат эҳтиёжлари учун зарур бўлган ҳолларда сервитут қонунга мувофиқ тегишли давлат органи томонидан белгиланиши мумкин (оммавий сервитут)»;

олтинчи қисми чиқариб ташлансин;

2) қўйидаги мазмундаги **173¹** — **173⁷**-моддалар билан тўлдирилсин:

«173¹-модда. Ер участкасига бўлган ҳуқуқ бошқа шахсга ўтказилганда сервитутнинг сақланиши

Агар ушбу Кодексда бошқача қоида назарда тутилмаган бўлса, сервитут белгиланган ер участкасига бўлган ҳуқуқлар бошқа шахсга ўтган тақдирда ҳам сервитут сақланиб қолади.

Сервитут олди-сотди, ҳадя, гаров ёки ижаранинг мустақил предмети бўлиши мумкин эмас, шунингдек уни сервитут белгиланган кўчмас мулкнинг ҳуқуқ эгаси бўлмаган бошқа шахсларга бериш тақиқланади.

173²-модда. Сервитут шартлари

Сервитут ушбу Кодекснинг 173-моддасида назарда тутилган асослар амал қилишини йўқотмагунга қадар амал қилади.

Сервитут белгиланганда сервитут белгиланаётган ер участкасининг майдони, ушбу ер участкасида муҳандислик-коммуникация тармоқлари объектларини қуриш, улардан фойдаланиш, уларни кўздан кечириш ва таъмирлаш шартлари, ер фонди тоифасидан қатъи назар, ер эгасига, ердан фойдаланувчига, ер участкасининг ижарачисига ва (ёки) мулкдорига етказилган зарарнинг ўрнини қоплаш тартиби, сервитут белгиланаётган ер участкасининг жорий ҳолати, ер участкасини ундан белгиланган мақсадда фойдаланиш учун яроқли ҳолатга келтириш зарурлиги, сервитут учун ҳақ тўлаш тартиби, шунингдек сервитут белгиланган ер участкасидан фойдаланишдаги чекловлар кўрсатилиши шарт.

Сервитут белгиланганда қонунга мувофиқ бошқа шартлар ҳам кўрсатилиши мумкин.

173³-модда. Сервитут учун ҳақ тўлаш

Сервитут белгиланган ер эгалари, ердан фойдаланувчилар, ер участкаларининг ижарачилари ва мулкдорлари сервитут кимнинг манфаатларини кўзлаб белгиланган бўлса, ўша шахсдан ушбу ер участкаларидан фойдаланганлик учун мутаносиб ҳақ талаб қилишга ҳақлидир.

Ер участкасининг сервитут белгиланган қисми учун ер солиғи (ижара ҳақи) ер эгалари, ердан фойдаланувчилар, ер участкаларининг ижарачилари ва мулкдорлари томонидан тўланади, бунда сервитут учун тўланадиган (бир марталик ёки доимий) ҳақ миқдори сервитут амал қиладиган давр учун белгиланган ер солиғи (ижара ҳақи) суммасидан кам бўлиши мумкин эмас.

Сервитут учун ҳақ тўлашга оид бошқа шартлар, шунингдек сервитут тўловсиз (текин) амалга ошириладиган ҳолатлар қонунда белгиланади.

173⁴-модда. Сервитут белгиланган ер участкасида муҳандислик-коммуникация тармоқлари объектларини сақлаш

Агар сервитутни амалга ошириш учун сервитут белгиланган ер участка-

сида муҳандислик-коммуникация тармоқлари мавжуд бўлиши талаб этилса, ер эгалари, ердан фойдаланувчилар, мазкур ер участкасининг ижарачилари ва мулкдорлари бундай муҳандислик-коммуникация тармоқларини сақлаш ва улардан фойдаланиш учун зарур шарт-шароитларни яратиши кераклиги белгиланиши мумкин.

Агар ер эгалари, ердан фойдаланувчилар, ер участкаларининг ижарачилари ва мулкдорлари муҳандислик-коммуникация тармоқларидан биргаликда фойдаланиш ҳуқуқига эга бўлса, сервитут кимнинг манфаатларини кўзлаб белгиланган бўлса, ўша шахс муҳандислик-коммуникация тармоқларини, улардан фойдаланиш имкониятини таъминлаган ҳолда сақлаши керак.

173⁵-модда. Сервитут белгиланган ер участкасини бўлиш

Агар сервитут белгиланган ер участкасини бўлиш сервитутдан фойдаланишга тўсқинлик қилмаса, сервитут ер участкасининг бўлинган қисмларига нисбатан ҳам сақланиб қолади. Бунда ер эгалари, ердан фойдаланувчилар, бўлинган ер участкасининг ижарачилари ва мулкдорлари сервитут шартлари қайта кўриб чиқилишини талаб қилишга ҳақли.

Агар сервитут бўлинган ер участкасининг фақат битта қисмига белгиланса, у қолган ер участкаларига нисбатан бекор қилинади.

173⁶-модда. Сервитутни ўзгартириш ва бекор қилиш

Сервитут тўғрисидаги шартномага ўзгартиришлар киритишда ва уни бекор қилишда ушбу Кодекснинг шартномаларни ўзгартириш ва бекор қилишга доир қоидалари қўлланилади.

Оммавий сервитутни ўзгартириш ва бекор қилиш қонунда белгиланган тартибда амалга оширилади.

Сервитутни ўзгартириш ва бекор қилиш кўчмас мулкка бўлган ҳуқуқларни рўйхатдан ўтказиш учун белгиланган тартибда рўйхатдан ўтказилиши лозим.

173⁷-модда. Бинолар, иншоотлар ва бошқа кўчмас мулкка сервитут белгилаш

Агар қонунда бошқача қоида назарда тутилмаган бўлса, ер участкасидан фойдаланишдан ташқари, чекланган тарзда фойдаланиш зарур бўлган бинолар, иншоотлар ва бошқа кўчмас мулкка ҳам ушбу Кодексда назарда тутилган тартибда ҳамда шартларда сервитут белгиланиши мумкин»;

3) 259¹-модда:

номи «мол-мулки» деган сўзлардан кейин **«ёки ер участкасини ижарага олиш ҳуқуқи»** деган сўзлар билан тўлдирилсин;

биринчи қисмининг биринчи жумласи қуйидаги таҳрирда баён этилсин:

«Қарздор томонидан ўз мажбуриятлари бажарилмаган тақдирда, кредиторнинг мол-мулк ёки ер участкасини ижарага олиш ҳуқуқи билан таъминланган мажбуриятлар бўйича талаблари ушбу мол-мулкнинг ёки ер участ-

касини ижарага олиш ҳуқуқининг қийматидан мазкур мол-мулк ёки ер участкасини ижарага олиш ҳуқуқи ўзига тегишли бўлган шахснинг бошқа кредиторларига қараганда имтиёзли равишда қаноатлантирилади»;

иккинчи қисми «ўз ҳуқуқлари» деган сўзлардан кейин «ёки ер участкасини ижарага олиш ҳуқуқи» деган сўзлар билан тўлдирилсин;

учинчи қисмининг:

биринчи хатбошиси «ўз ҳуқуқлари» деган сўзлардан кейин «ёки ер участкасини ижарага олиш ҳуқуқи» деган сўзлар билан тўлдирилсин;

иккинчи хатбошиси «ушлаб қолиш» деган сўзлардан кейин «ёки ер участкасини ижарага олиш ҳуқуқини сотиш» деган сўзлар билан тўлдирилсин;

тўртинчи қисми «ҳуқуқлари» деган сўздан кейин «ёки ер участкасини ижарага олиш ҳуқуқи» деган сўзлар билан тўлдирилсин;

бешинчи қисми қуйидаги таҳрирда баён этилсин:

«Мол-мулкка бўлган ўз ҳуқуқлари ёки ер участкасини ижарага олиш ҳуқуқи тўғрисидаги ёзувни гаров реестрига киритмаган кредиторларнинг талаблари мазкур мол-мулкка бўлган ҳуқуқлари ёки ер участкасини ижарага олиш ҳуқуқи тўғрисидаги ёзувни гаров реестрига киритган кредиторларнинг талаблари қаноатлантирилгандан кейин ушбу мол-мулкнинг ёки ер участкасини ижарага олиш ҳуқуқининг қийматидан келиб чиққан ҳолда, бундай ҳуқуқлар юзага келишининг календарь навбатига мувофиқ қаноатлантирилади».

5-модда. Ўзбекистон Республикасининг 1998 йил 30 апрелда қабул қилинган 598–I-сонли Қонуни билан тасдиқланган **Ўзбекистон Республикасининг Ер кодексига** (Ўзбекистон Республикаси Олий Мажлисининг Ахборотномаси, 1998 йил, № 5-6, 82-модда; 2003 йил, № 9-10, 149-модда; 2004 йил, № 5, 90-модда; 2005 йил, № 1, 18-модда; Ўзбекистон Республикаси Олий Мажлиси палаталарининг Ахборотномаси, 2007 йил, № 12, 608-модда; 2009 йил, № 1, 1-модда, № 12, 472-модда; 2011 йил, № 1, 1-модда; 2014 йил, № 1, 2-модда, № 9, 244-модда; 2015 йил, № 8, 312-модда; 2017 йил, № 9, 510-модда; 2018 йил, № 1, 1-модда, № 4, 224-модда, № 7, 432-модда, № 12, 781-модда; 2019 йил, № 1, 1-модда, № 3, 161-модда, № 4, 199-модда, № 8, 469-модда, № 11, 792-модда; 2020 йил, № 9, 540-модда; 2021 йил, № 1, 3-модда, 4-сонга илова, № 8, 800-модда; 2022 йил, № 6, 570, 577-моддалар) қуйидаги қўшимча ва ўзгартиришлар киритилсин:

1) **5-модданинг:**

биринчи қисми қуйидаги мазмундаги **тўққизинчи хатбоши** билан тўлдирилсин:

«жамоат эҳтиёжлари учун оммавий сервитут белгилаш тўғрисида қарор қабул қилиш»;

тўққизинчи хатбошиси ўнинчи хатбоши деб ҳисоблансин;

2) **17-модданинг:**

учинчи қисми қуйидаги таҳрирда баён этилсин:

«Чет эллик фуқаролар ва юридик шахслар, фуқаролиги бўлмаган шахслар, чет эл инвестициялари иштирокидаги корхоналар ер участкалари-

га фақат ижара ҳуқуқи асосида эга бўлиши мумкин, бундан ушбу Кодекс 18-моддасининг иккинчи қисмида назарда тутилган ҳоллар мустасно»;

бешинчи қисми қўйидаги таҳрирда баён этилсин:

«Юридик ва жисмоний шахслар ўзига доимий фойдаланиш (эғалик қилиш), ижара ёки мерос қилиб қолдириладиган умрбод эғалик қилиш ҳуқуқи асосида тегишли бўлган қишлоқ хўжалигига мўлжалланмаган ер участкаларини қонунчиликда назарда тутилган ҳолларда хусусийлаштиришга ҳақли»;

3) **18-модданинг учинчи қисми** чиқариб ташлансин;

4) **23-модда:**

иккинчи қисмининг:

1-бандидаги «тадбиркорлик ва шаҳарсозлик фаолиятини» деган сўзлар «тадбиркорлик, шаҳарсозлик фаолиятини ва қонунчилик билан тақиқланмаган бошқа фаолият турларини» деган сўзлар билан алмаштирилсин;

3-банди қўйидаги таҳрирда баён этилсин:

«3) ижарага бериш — очиқ электрон танлов ва электрон онлайн-аукцион воситасида, шунингдек ушбу Кодекснинг 24-моддасида назарда тутилган ҳолларда Ўзбекистон Республикаси Вазирлар Маҳкамаси томонидан. Хусусий мулк бўлган ер участкасини ижарага бериш унинг мулкдори томонидан амалга оширилади»;

учинчи қисмининг ўзбекча матнидаги «(сотиб олинганидан)» деган сўзлар «(қайта сотиб олинганидан)» деган сўзлар билан алмаштирилсин;

5) **24-модда:**

еттинчи қисми қўйидаги таҳрирда баён этилсин:

«Ижарага берилган ер участкасини ёки унинг бир қисмини иккиламчи ижарага бериш тақиқланади, бундан ушбу Кодекснинг 24²-моддасида назарда тутилган ҳоллар ва хусусий мулк бўлган ер участкаларининг ижараси мустасно»;

саккизинчи қисмининг биринчи жумласи қўйидаги таҳрирда баён этилсин:

«Ижарага берилган ер участкалари олди-сотди, ҳадя, айирбошлаш объекти бўлиши мумкин эмас, бундан ушбу модданинг тўққизинчи қисмида назарда тутилган ҳоллар мустасно»;

қўйидаги мазмундаги **тўққизинчи қисм** билан тўлдирилсин:

«Жисмоний ва юридик шахслар электрон онлайн-аукцион орқали ижарага олган қишлоқ хўжалигига мўлжалланмаган ер участкаларига нисбатан ҳуқуқ ва мажбуриятларни ижара муддатидан кўп бўлмаган муддатга бошқа шахсга ўтказиши (қайта ижарага бериши) мумкин»;

тўққизинчи — ўн олтинчи қисмлари тегишинча **ўнинчи — ўн еттинчи қисмлар** деб ҳисоблансин;

6) **24¹-модданинг матни** қўйидаги таҳрирда баён этилсин:

«Давлат органлари, муассасалари ва корхоналарига доимий фойдаланиш ҳуқуқи асосида берилган қишлоқ хўжалигига мўлжалланган ерлар давлат-хусусий шериклик асосида ижарага берилиши мумкин. Бунда қишлоқ хўжалиги оборотидан чиқиб кетган суғориладиган ерлар ва лалми ерлар Ўзбекистон Республикаси фуқароларига ҳамда қишлоқ хўжалиги корхонала-

рига уч йилдан кам бўлмаган ва қирқ тўққиз йилдан ошмайдиган муддатга ижарага берилади.

Ушбу модданинг биринчи қисмида назарда тутилган ҳолларда, яйловлар, бўз ерлар, кўп йиллик дов-дарахтлар Ўзбекистон Республикаси фуқароларига, қишлоқ хўжалиги корхоналарига, шунингдек Ўзбекистон Республикаси резидентлари бўлган инвесторларга ўттиз йил муддатга, ушбу Кодекснинг 46¹-моддасида белгиланган ўлчамларда ижарага берилиши мумкин.

Ўрмон фондининг фойдаланилмаётган (ўрмон билан қопланмаган) ерлари жисмоний ва юридик шахсларга электрон онлайн-аукцион орқали ижарага берилиши мумкин.

Давлат органларига, муассасаларига, корхоналарига ва фуқароларнинг ўзини ўзи бошқариш органларига доимий фойдаланиш ҳуқуқи асосида берилган қишлоқ хўжалигига мўлжалланмаган ерлар:

давлат-хусусий шериклик лойиҳаларини амалга ошириш учун давлат-хусусий шериклик тўғрисидаги битимнинг амал қилиш муддатига — хусусий шерикка;

ижтимоий фойдали мақсадларга эришишга қаратилган лойиҳаларни амалга ошириш учун ижтимоий шериклик тўғрисидаги битимлар ва шартномаларнинг амал қилиш муддатига — нодавлат нотижорат ташкилотларига ва фуқаролик жамиятининг бошқа институтларига;

жамоат эҳтиёжлари учун бошқа юридик шахсларга;

енгил турдаги объектларни жойлаштириш учун юридик ва жисмоний шахсларга белгиланган тартибда қисқа муддатли ижарага берилиши мумкин.

Доимий фойдаланиш ҳуқуқи асосида берилган ер участкаларини ижарага беришга улардан фойдаланишнинг мазкур Кодекснинг 20-моддасида назарда тутилган асосий мақсадини сақлаб қолиш шарти билан йўл қўйилади. Бунда мазкур тартиб ушбу Кодекснинг 23-моддасида назарда тутилган ер участкаларини бериш (реализация қилиш) ҳолларига нисбатан татбиқ этилмайди.

Доимий фойдаланиш ҳуқуқи асосида берилган ер участкаларини ижарага беришда, шу жумладан ҳуқуқларни давлат рўйхатидан ўтказишда, тарафларнинг ҳуқуқлари ва мажбуриятларини белгилашда, агар қонунда бошқача қоида белгиланмаган бўлса, ижарага олинган мол-мулкни иккиламчи ижарага бериш шартлари ва тартиби қўлланилади.

Доимий фойдаланиш ҳуқуқи асосида берилган ер участкаларини ижарага бериш тартиби Ўзбекистон Республикаси Вазирлар Маҳкамаси томонидан белгиланади»;

7) **24⁴-модда** қуйидаги таҳрирда баён этилсин:

«24⁴-модда. Ер участкасини ижарага олиш шартномасини янги муддатга узайтириш

Агар қонунда ёки шартномада бошқача қоида назарда тутилмаган бўлса, ўз мажбуриятларини лозим даражада бажарган ижарага олувчи шартнома муддати тугаганидан кейин янги муддатга ер участкасини ижарага олиш шартномасини узайтиришда шароитлар тенг бўлган ҳолларда, бошқа шахс-

ларга нисбатан имтиёзли ҳуқуққа эга бўлади. Ижарага олувчи ижарага берувчини ер участкасини ижарага олиш шартномасида белгиланган муддатда, агар шартномада бундай муддат кўрсатилмаган бўлса, шартноманинг амал қилиш муддати тугагунига қадар уч ой ичида бундай шартномани узайтириш истаги ҳақида ёзма равишда хабардор қилиши шарт.

Ижарага берувчи ижарага олувчининг ижарага олиш шартномасини янги муддатга узайтириш тўғрисидаги мурожаати келиб тушган пайдан эътиборан бир ой ичида ижарага олиш шартномасини янги муддатга узайтиришга асослантилган рад жавобини бермаса ва бу ҳақда ижарага олувчини хабардор қилмаса, ер участкасини ижарага олиш шартномаси аввалги шартлар асосида янги муддатга узайтирилган ҳисобланади.

Агар ижарага берувчи ижарага олувчига ижарага олиш шартномасини янги муддатга узайтиришни асоссиз рад этган ҳолда ер участкасини ижара муддати якунланганидан кейин бир йил ичида бошқа шахсга ижарага берса, ижарага олувчи шартнома бўйича ҳуқуқ ва мажбуриятлар ўзига ўтказилишини ҳамда шартномани янги муддатга узайтириш рад этилиши муносабати билан ўзига етказилган зарарнинг ўрни қопланишини ёки фақат зарарнинг ўзи қопланишини суд орқали талаб қилишга ҳақли.

Агар ижарага олувчи ер участкасини ижарага олиш шартномасининг амал қилиш муддати тугаганидан кейин ҳам ер участкасидан фойдаланишни давом эттирса, шартноманинг амал қилиш муддати тугагунга қадар ижарага берувчи томонидан эътирозлар бўлмаса, агар шартномада бошқача қоида назарда тутилмаган бўлса, шартнома ўша шартлар асосида худди ўша муддатга тузилган ҳисобланади. Бунда ер участкасининг дастлабки ва янги муддатга узайтирилган биргаликдаги умумий ижара муддати ушбу Кодекснинг 24-моддасида белгиланган энг кўп (охирги) муддатдан ошиб кетмаслиги керак»;

8) 25-модданинг биринчи, иккинчи ва учинчи қисмлари қуйидаги тахрирда баён этилсин:

«Геология-суратга олиш, қидириш, геодезия ва бошқа қидирув ишларини амалга оширувчи корхоналар, муассасалар ва ташкилотлар бу ишларни белгиланган тартибда қабул қилинган қарорлар асосида барча тоифадаги ерларда ер эгаларидан, ердан фойдаланувчилардан, ижарачилардан ҳамда мулкдорлардан ер участкаларини олиб қўймаган ҳолда оммавий сервитут асосида амалга ошириши мумкин.

Геология-суратга олиш, қидириш, геодезия ва бошқа қидирув ишларини амалга ошириш учун оммавий сервитут қонунчиликда белгиланган тартибда рухсатнома олган ёки ушбу рухсатномани берган ташкилотнинг мурожаатига асосан вилоят ва Тошкент шаҳар ҳокимининг қарори билан белгиланади.

Суғориладиган ҳайдов ерларида, боғларда, токзорлар, тутзорлар, мевазорлар, тубдан яхшилаш ишлари амалга оширилган пичанзорлар ва яйловларда, ўрмон ўсимликлари билан қопланган ерларда қидирув ишларини амалга ошириш учун оммавий сервитут бир йилдан ортиқ бўлмаган муддатга белгиланади, зарур ҳолларда бу муддатни узоғи билан яна бир йилга узайтиришга йўл қўйилади»;

9) **28-модданинг тўртинчи қисми** қуйидаги мазмундаги **тўртинчи** ва **бешинчи қисмлар** билан алмаштирилсин:

«Ер участкалари ижарага берилганда ер учун ҳақ ижара ҳақи шаклида олинади. Давлат мулкида бўлган ер участкалари учун ижара ҳақи ер солиғига тенглаштирилади. Ер участкаларини ижарага олган шахслар ер учун ижара ҳақини ер солиғи тўловчилар учун белгиланган тартибга мувофиқ бюджетга тўлайди. Агар қонунда ва ижара шартномасида бошқача қоида назарда тutilмаган бўлса, ушбу тартиб доимий фойдаланиш ҳуқуқи асосида берилган ер участкалари ижарасига нисбатан ҳам қўлланилади.

Хусусий мулк бўлган ер участкалари учун ижара ҳақи миқдори ва тўлов шакли ижарага берувчи ҳамда ижарага олувчи ўртасида мустақил равишда шартномада белгиланади. Бунда ер солиғини тўлаш мажбурияти ижарага берувчининг зиммасига юклатилади»;

10) **29-модда биринчи қисмининг иккинчи хатбошиси** қуйидаги таҳрирда баён этилсин:

«ер участкасини сотиш ёки ўзгача тарзда бошқа шахсга ўтказишни тақиқлаш, бундан хусусий мулк бўлган ер участкаларининг бошқа шахсга ўтказилиши ва ушбу Кодекс 24-моддасининг тўққизинчи қисмида назарда тutilган ҳоллар мустасно»;

11) **30-модданинг матни** қуйидаги таҳрирда баён этилсин:

«Ўзганинг ер участкасидан чекланган тарзда фойдаланиш ҳуқуқи (сервитут) — кўчмас мулк (ер участкаси, бошқа кўчмас мулк) эгасининг қўшни ер участкасидан, зарур ҳолларда эса бошқа ер участкасидан ҳам чекланган тарзда фойдаланиш ҳуқуқидир.

Сервитут қуйидаги мақсадларда белгиланиши мумкин:

ўзганинг ер участкаси орқали пиёда ёки транспортда ўтиш;

ўзганинг ер участкасида дренаж ишлари ўтказиш;

ўзганинг ер участкасидан электр узатиш, алоқа линиялари ва трубопроводлар, ирригация, муҳандислик ва бошқа линиялар ҳамда тармоқлар ўтказиш ва улардан фойдаланиш;

ўзганинг ер участкасидан экинзорларни ва қишлоқ хўжалиги ҳайвонларини суғориш учун сув олиш;

қишлоқ хўжалиги ҳайвонларини ўзганинг ер участкаси орқали ҳайдаб ўтиш;

ўзганинг ер участкасида ихота дарахтлари экиш ва табиатни муҳофаза қилишга тааллуқли бошқа объектлар барпо этиш.

Сервитут бошқа мақсадларда ҳам белгиланиши мумкин.

Сервитут, уни белгилашни талаб қилган шахслар билан ўзга ер участкасининг эгалик қилувчиси, фойдаланувчиси, ижарачиси ва мулкдори ўртасидаги шартномага мувофиқ, келишувга эришилмаган тақдирда эса, суд қарорига биноан белгиланади.

Жамоат эҳтиёжлари учун зарур бўлган ҳолларда сервитут ушбу Кодексга мувофиқ вилоят ва Тошкент шаҳар ҳокими томонидан ҳам белгиланиши мумкин (оммавий сервитут).

Сервитут тўғрисидаги шартнома давлат рўйхатига олинishi лозим ва у

ер участкаси бошқа шахсга ўтган тақдирда ҳам сақланиб қолинади. Сервитут тўғрисидаги шартнома уни белгилашга сабаб бўлган асослар ўз аҳамиятини йўқотган тақдирда, бекор қилиниши мумкин.

Сервитут белгиланиши ер эгасини, ердан фойдаланувчини, ер участкасининг ижарачиси ва мулкдорини ушбу ер участкасига эгалик қилиш, ундан фойдаланиш ҳамда уни тасарруф этиш ҳуқуқидан маҳрум этмайди»;

12) қуйидаги мазмундаги **30¹ — 30⁶-моддалар** билан тўлдирилсин:

«30¹-модда. Сервитут тўғрисидаги шартнома

Ер участкасига нисбатан сервитут тўғрисидаги шартнома ёзма шаклда тузилади.

Сервитут тўғрисидаги шартномада қуйидаги шартлар кўрсатилиши керак:

сервитут белгиланиши керак бўлган ер участкасининг кадастр рақами;
сервитутни белгилашнинг мақсадлари ва асослари;
шартнома тарафлари тўғрисидаги маълумотлар;
сервитутнинг амал қилиш муддати;
сервитут учун белгиланган ҳақ миқдори (мавжуд бўлганда);
шартнома тарафларининг ҳуқуқ ва мажбуриятлари ҳамда жавобгарлиги;
белгиланган сервитут муддати тугаганидан кейин ер участкасини белгиланган мақсадда фойдаланиш учун яроқли ҳолатга келтириш ҳақидаги сервитут мажбурияти.

30²-модда. Сервитут иштирокчиларининг ҳуқуқ ва мажбуриятлари

Ер эгалари, ердан фойдаланувчилар, ер участкаларининг ижарачилари ва мулкдорлари ҳамда сервитут кимнинг манфаатларини кўзлаб белгиланган бўлса, ўша шахс сервитут иштирокчиларидир.

Ер эгалари, ердан фойдаланувчилар, ер участкаларининг ижарачилари ва мулкдорлари қуйидаги ҳуқуқларга эга:

сервитут кимнинг манфаатларини кўзлаб белгиланган бўлса, ўша шахсдан сервитутдан белгиланган мақсадда фойдаланилишини талаб қилиш;

сервитут ҳақ эвазига белгиланган ҳолларда сервитут кимнинг манфаатларини кўзлаб белгиланган бўлса, ўша шахсдан ҳақнинг ўз вақтида тўланишини талаб қилиш;

сервитут муддати тугаганидан кейин ер участкасини белгиланган мақсадда фойдаланиш учун яроқли ҳолатга келтиришни талаб қилиш;

сервитут кимнинг манфаатларини кўзлаб белгиланган бўлса, ўша шахс томонидан сервитутдан шартномада белгиланган мақсадларда фойдаланилмаган тақдирда шартноманинг бекор қилинишини талаб қилиш;

сервитут кимнинг манфаатларини кўзлаб белгиланган бўлса, ўша шахс сервитут учун белгиланган ҳақни (мавжуд бўлганда) мунтазам равишда тўламаган тақдирда, шунингдек унда ўз ҳудудига жамоат эҳтиёжлари учун мўлжалланган бошқа ер участкаси орқали ўтиш имконияти пайдо бўлган тақдирда, шартноманинг бекор қилинишини талаб қилиш.

Ер эгалари, ердан фойдаланувчилар, ер участкаларининг ижарачилари ва мулкдорлари:

сервитут кимнинг манфаатларини кўзлаб белгиланган бўлса, ўша шахс билан биргаликда сервитут тўғрисидаги шартномани давлат рўйхатидан ўтказиши;

сервитут тўғрисидаги шартнома давлат рўйхатидан ўтказилган пайдан эътиборан сервитут кимнинг манфаатларини кўзлаб белгиланган бўлса, ўша шахсга ер участкасидан чекланган тартибда фойдаланиш имкониятини бериши;

сервитут кимнинг манфаатларини кўзлаб белгиланган бўлса, ўша шахсга сервитутдан белгиланган мақсадда фойдаланилишига тўсқинлик қилмаслиги;

ер участкасидан фойдаланиш мақсадини ҳисобга олган ҳолда, уни лозим даражадаги ҳолатда сақлаш учун ўз кучи билан ва ўз ҳисобидан ер участкасини тартибга келтириши, қўриқлаши, таъмирлаши ва унга бошқача тарзда хизмат кўрсатиши шарт.

Сервитут кимнинг манфаатларини кўзлаб белгиланган бўлса, ўша шахс қуйидаги ҳуқуқларга эга:

ер участкасидан сервитут тўғрисидаги шартномада кўрсатилган мақсадларда чекланган тарзда фойдаланиш;

сервитут тўғрисидаги шартнома шартлари жиддий равишда бузилганда сервитут тўғрисидаги шартноманинг бекор қилинишини талаб қилиш;

сервитутдан фойдаланишда юзага келган тўсқинликларни бартараф этиш ва етказилган зарарнинг ўрнини қоплаш тўғрисидаги талаб билан белгиланган тартибда судга мурожаат қилиш.

Сервитут кимнинг манфаатларини кўзлаб белгиланган бўлса, ўша шахс сервитут тўғрисидаги шартномага ва қонунчиликка мувофиқ бошқа ҳуқуқларга ҳам эга бўлиши мумкин.

Сервитут кимнинг манфаатларини кўзлаб белгиланган бўлса, ўша шахс:

ер эгалари, ердан фойдаланувчилар, ер участкаларининг ижарачилари ва мулкдорлари билан биргаликда сервитут тўғрисидаги шартномани давлат рўйхатидан ўтказиши;

сервитутдан фақат сервитут тўғрисидаги шартномада белгиланган мақсадларда фойдаланиши;

сервитут учун ҳақни ўз вақтида тўлаб бориши (ҳақ белгиланган тақдирда);

ўз ҳудудига жамоат эҳтиёжлари учун мўлжалланган бошқа ер участкаси орқали ўтиш имконияти пайдо бўлган тақдирда, ер эгалари, ердан фойдаланувчилар, ер участкалари ижарачилари ва мулкдорларининг биринчи талабига қўра ўзганинг ер участкасидан чекланган тарзда фойдаланишни тўхтатиши;

учинчи шахслар билан ер участкасига нисбатан сервитут тўғрисида шартнома тузиш ҳақида ер эгалари, ердан фойдаланувчилар, ер участкаларининг ижарачилари ва мулкдорларидан хабарнома олинган тақдирда, шундай хабарнома олинган пайдан эътиборан ёзма шаклда жавоб бериши шарт.

30³-модда. Ер участкасига бўлган ҳуқуқ бошқа шахсга ўтказилганда сервитутнинг сақланиши

Сервитут ер участкасига бўлган мулк, эгалик қилиш, фойдаланиш ва ижара ҳуқуқи бошқа шахсга ўтган тақдирда ҳам сақланиб қолади.

Сервитут олди-сотди, ҳадя, гаров ва ижаранинг мустақил предмети бўлиши мумкин эмас, шунингдек уни сервитут белгиланган кўчмас мулкнинг ҳуқуқ эгалари бўлмаган бошқа шахсларга бериш тақиқланади. Сервитут бошқа шахсларга фақат сервитут белгиланган ҳуқуқ билан бирга берилиши мумкин.

30⁴-модда. Сервитутни бекор қилиш

Сервитут қуйидаги ҳолларда бекор қилиниши мумкин:

сервитут иштирокчиларининг ўзаро келишувига кўра;

ер эгасининг, ердан фойдаланувчининг, ер участкалари ижарачиси ва мулкдорининг ёки сервитут кимнинг манфаатларини кўзлаб белгиланган бўлса, ўша шахснинг асосланган талабига кўра;

сервитутдан узоқ муддат (камида уч йил) фойдаланилмаганда;

сервитутнинг амал қилиш муддати тугаганда;

агар сервитут белгилаш учун сабаб бўлиб хизмат қилган асослар ўз аҳамиятини йўқотган бўлса;

қонунда назарда тутилган бошқа асосларга кўра.

Сервитутни бекор қилиш тўғрисида сервитут иштирокчилари ўртасида келишувга эришилмаган тақдирда, сервитут суд томонидан бекор қилиниши мумкин.

30⁵-модда. Жамоат эҳтиёжлари учун ўзганинг ер участкасидан чекланган тарзда фойдаланиш ҳуқуқи (оммавий сервитут)

Жамоат эҳтиёжлари учун ўзганинг ер участкасидан чекланган тарзда фойдаланиш ҳуқуқи (оммавий сервитут) қуйидаги мақсадлар учун белгила-ниши мумкин:

ушбу Кодекснинг 25-моддасига мувофиқ ўзганинг ер участкасида геология-суратга олиш, қидириш, геодезия ва бошқа қидирув ишларини амалга ошириш;

ўзганинг ер участкасидан умумий фойдаланишдаги электр узатиш тармоқлари, алоқа линиялари ва бошқа линиялар, трубопроводлар, ички суғориш тармоқлари, муҳандислик тармоқлари ҳамда бошқа тармоқлар ўтказиш ва улардан фойдаланиш.

Оммавий сервитут манфаатдор ташкилотларнинг мурожаатлари асосида вилоят ва Тошкент шаҳар ҳокимининг қарори билан белгиланади.

Ушбу моддада назарда тутилганидан бошқа мақсадларда, шунингдек, давлат мулки бўлмаган бино, иншоот ва кўп йиллик дов-дарахтлар жойлашган ер участкаларига оммавий сервитут белгилаш тақиқланади.

Оммавий сервитут белгилаш тўғрисидаги қарор ер фонди тоифасидан

келиб чиққан ҳолда қуйидаги ташкилотлар билан мажбурий тартибда келишилиши керак:

суғориладиган ерларда — Ўзбекистон Республикаси Қишлоқ хўжалиги вазирлиги ва Сув хўжалиги вазирлиги билан;

ўрмон фонди ерларида — ўрмон хўжалиги соҳасидаги ваколатли давлат органи билан;

табиатни муҳофаза қилиш, соғломлаштириш, рекреация мақсадларига мўлжалланган ерларда ва тарихий-маданий аҳамиятга молик ерларда — тегишли соҳалардаги махсус ваколатли давлат органлари билан.

Оммавий сервитут белгилаш ҳақидаги қарорда сервитут тўғрисидаги шартномада кўрсатилиши лозим бўлган барча шартлар кўрсатилиши керак. Бунда оммавий сервитут шартлари тарафларнинг келишувига кўра ёки улардан бирининг талабига кўра суд тартибида ўзгартирилиши ва бекор қилиниши мумкин.

Оммавий сервитут белгилаш тўғрисидаги қарор сервитут белгиланган ер участкасида қурилиш-монтаж ишларини бошлаш, бинолар ва иншоотларни қайта қуриш, реконструкция қилиш ҳуқуқини бермайди.

Оммавий сервитут ушбу Кодексга мувофиқ, шунингдек оммавий сервитут белгилаш тўғрисидаги қарорнинг амал қилиш муддати тугаганда бекор қилинади.

30^б-модда. Сервитут учун ҳақ тўлаш

Сервитут кимнинг манфаатларини кўзлаб белгиланган бўлса, ўша шахс, агар қонунда ёки сервитут тўғрисидаги шартномада бошқача тартиб назарда тутилмаган бўлса, сервитут учун ҳақ тўлаши шарт.

Сервитут учун ҳақ сервитут белгиланган ер участкаси учун ер солиғи (ижара ҳақи) суммасини, шунингдек сервитутдан фойдаланиш жараёнида ер эгалари, ердан фойдаланувчилар, ер участкаларининг ижарачилари ва мулкдорларига етказилган зарарни (бой берилган фойдани) компенсация қилиш мақсадида белгиланади.

Сервитут учун ҳақ тўлаш бир марталик ёки мунтазам тўлаб бориладиган кўп марталик тўлов тарзида амалга оширилиши мумкин.

Сервитут учун ҳақ миқдори сервитут белгиланган ер участкаси доирасида ёки у белгиланган чегаралар доирасида ҳисоблаб чиқарилади.

Ер участкасининг сервитут белгиланган муайян қисми учун ер солиғи (ижара ҳақи) ер эгалари, ердан фойдаланувчилар, ер участкаларининг ижарачилари ва мулкдорлари томонидан тўланади, бунда сервитут учун тўланадиган (бир марталик ёки доимий) ҳақ миқдори сервитут амал қиладиган даврдаги ер солиғи (ижара ҳақи) суммасидан кам бўлиши мумкин эмас.

Қуйидаги ҳолларда сервитут ҳақ ундирмасдан (текин) амалга оширилиши мумкин:

туннелларда автомобиль йўллари ёки темир йўллари қуриш, шунингдек автомобиль йўлларининг муҳофаза зоналаридан фойдаланиш мақсадида сервитут белгиланганда;

муҳандислик-техник жиҳатдан таъминлаш, тегишли техник-технологик уланиш ишларини амалга ошириш мақсадида сервитут белгиланганда»;

13) 36-модда:

биринчи қисмининг:

2-банди қўйидаги таҳрирда баён этилсин:

«2) ер участкаси берилган муддат тугаганда, бундан ер участкасини ижарага олиш шартномасини янги муддатга узайтириш ҳоллари мустасно»;

11-банди чиқариб ташлансин;

учинчи қисми қўйидаги таҳрирда баён этилсин:

«Ер участкаларига бўлган мулк ҳуқуқи белгиланган тартибда қўйидаги ҳолларда бекор қилинади:

1) ер участкасига, шунингдек бинолар, иншоотлар ёки бошқа кўчмас мулкка бўлган мулк ҳуқуқи улар жойлашган ер участкалари билан бирга фуқаролик қонунчилигида назарда тутилган тартибда бошқа шахсга ўтказилганда;

2) жамоат эҳтиёжлари учун ер участкалари, шунингдек бинолар, иншоотлар ва бошқа кўчмас мулк улар жойлашган ер участкалари билан бирга қайта сотиб олинганда;

3) қонунда белгиланган ҳолларда ер участкалари, шунингдек бинолар, иншоотлар ва бошқа кўчмас мулк улар жойлашган ер участкалари билан бирга мусодара этилганда;

4) қонунда белгиланган ҳолларда ер участкалари, шунингдек бинолар, иншоотлар ва бошқа кўчмас мулк улар жойлашган ер участкалари билан бирга реквизиция қилинганда;

5) ижро ҳужжатлари бўйича ундирув ер участкасига қаратилганда»;

14) 37¹-модданинг иккинчи қисмидаги «Ушбу Кодекснинг 18-модда-сида назарда тутилган» деган сўзлар чиқариб ташлансин;

15) 39-модда биринчи қисмининг 9-бандидаги «қишлоқ хўжалигига мўлжалланган» деган сўзлар чиқариб ташлансин;

16) 41-модданинг бешинчи қисми қўйидаги таҳрирда баён этилсин:

«Ер участкасини, шунингдек бинолар, иншоотлар ва бошқа кўчмас мулкни улар жойлашган ер участкаси билан бирга жамоат эҳтиёжлари учун қайта сотиб олиш, шунингдек уларни мусодара қилиш ва реквизиция қилиш қонунчилиқда белгиланган тартибда амалга оширилади»;

17) 62-модда олтинчи қисмининг иккинчи жумласи қўйидаги таҳрирда баён этилсин:

«Бундай ҳолларда ер участкаларини компенсация эвазига жамоат эҳтиёжлари учун олиб қўйиш тартиб-таомиллари қўлланилади»;

18) 68-модданинг бешинчи қисми «ўзларида доимий фойдаланиш» деган сўзлардан кейин «ёки ижара» деган сўзлар билан тўлдирилсин;

19) 82-модда биринчи қисмининг биринчи хатбошисидаги «ер эгалари, ердан фойдаланувчилар ва ижарачиларнинг» деган сўзлар «ер эгалари, ердан фойдаланувчилар, ер участкаларининг ижарачилари ва мулкдорларининг» деган сўзлар билан алмаштирилсин;

20) 85-модда иккинчи қисмининг иккинчи хатбошисидаги «ер

эгалари, ердан фойдаланувчилар ва ижарачилар» деган сўзлар «ер эгалари, ердан фойдаланувчилар, ер участкаларининг ижарачилари ва мулкдорлари» деган сўзлар билан алмаштирилсин;

21) **90-модда иккинчи қисмининг ўн учинчи хатбошиси** қуйидаги тахрирда баён этилсин:

«ер участкаларини бериш (реализация қилиш) бўйича очиқ электрон танловлар ва электрон онлайн-аукционларни ўтказишнинг белгиланган тартибини бузганликда».

6-модда. Ўзбекистон Республикасининг 2006 йил 4 октябрда қабул қилинган «**Ипотека тўғрисида**»ги ЎРҚ–58-сонли Қонуни (Ўзбекистон Республикаси Олий Мажлиси палаталарининг Ахборотномаси, 2006 йил, № 10, 535-модда; 2010 йил, № 9, 337, 340-моддалар; 2015 йил, № 8, 312-модда; 2017 йил, № 10, 605-модда; 2018 йил, № 1, 4-модда, № 4, 224-модда; 2019 йил, № 10, 671-модда; 2020 йил, № 1, 3-модда; 2021 йил, 4-сонга илова; 2022 йил, № 6, 577-модда) **6-моддасининг биринчи қисмидаги** «юридик ва жисмоний шахслар мулки бўлган савдо ва хизмат кўрсатиш соҳаси объектлари, шунингдек турар жойлар улар жойлашган ер участкалари билан бирга» деган сўзлар «шунингдек юридик ва жисмоний шахслар мулки бўлган қишлоқ хўжалигига мўлжалланмаган ер участкалари» деган сўзлар билан алмаштирилсин.

7-модда. Ўзбекистон Республикасининг 2007 йил 2 октябрда қабул қилинган «**Автомобиль йўллари тўғрисида**»ги ЎРҚ–117-сонли Қонуни (Ўзбекистон Республикаси Олий Мажлиси палаталарининг Ахборотномаси, 2007 йил, № 10, 472-модда; 2014 йил, № 12, 343-модда; 2018 йил № 7, 431-модда; 2021 йил, 4-сонга илова) **22-моддасининг иккинчи қисмидаги** «вақтинча фойдаланишга» деган сўзлар «ижарага» деган сўз билан алмаштирилсин.

8-модда. Ўзбекистон Республикасининг 2013 йил 23 октябрда қабул қилинган «**Гаров реестри тўғрисида**»ги ЎРҚ–356-сонли Қонунига (Ўзбекистон Республикаси Олий Мажлиси палаталарининг Ахборотномаси, 2013 йил, № 10, 264-модда; 2021 йил, 4-сонга илова) қуйидаги қўшимча ва ўзгартиришлар киритилсин:

1) **3-модданинг:**

иккинчи хатбошиси «мол-мулкига» деган сўзлардан кейин «қонунда ва ижара шартномасида назарда тутилган ҳолларда ер участкасини ижарага олиш ҳуқуқига» деган сўзлар билан тўлдирилсин;

учинчи хатбошиси «мол-мулки» деган сўзлардан кейин «ер участкасини ижарага олиш ҳуқуқи» деган сўзлар билан тўлдирилсин;

тўртинчи хатбошиси қуйидаги тахрирда баён этилсин:

«**қарздор** — кредитор фойдасига мол-мулкни ёки ер участкасини ижарага олиш ҳуқуқини бериш, ишларни бажариш, хизматлар кўрсатиш, пулни тўлаш ёки бузилиши кредиторнинг мажбуриятлар бажарилишини таъмин-

лаш воситаси сифатида қарздор бериб қўйган мол-мулкка ёки ер участкасини ижарага олиш ҳуқуқига ундирувни қаратишга бўлган имтиёзли ҳуқуқи юзага келишига сабаб бўладиган бошқа мажбуриятларни бажариш билан боғлиқ ҳаракатни содир этиши шарт бўлган юридик ёки жисмоний шахс»;

бешинчи хатбошиси «мол-мулкни» деган сўзлардан кейин «ер участкасини ижарага олиш ҳуқуқини» деган сўзлар билан тўлдирилсин;

2) 8-модданинг:

иккинчи хатбошиси қуйидаги таҳрирда баён этилсин:

«мажбуриятларнинг бажарилишини таъминлаш (гаров) воситаси сифатида қарздорлар бериб қўйган мол-мулкка ёки ер участкасини ижарага олиш ҳуқуқига нисбатан кредиторларнинг ҳуқуқлари, шунингдек қонунда назарда тутилган бошқа асослардан, шу жумладан ушлаб қолиш, лизинг, товарга бўлган мулк ҳуқуқини товарнинг ҳақи тўлангунга қадар сотувчида (кредиторда) сақлаб қолган ҳолда уни сотиш, келажакда муайян ҳодиса юз берган тақдирда мол-мулкка бўлган мулк ҳуқуқини, ер участкасини ижарага олиш ҳуқуқини бошқа шахсга ўтказиш, тўловни кечиктирган ёки бўлиб-бўлиб тўлаган ҳолда товарларни олиш-сотишдан юзага келадиган ҳуқуқлар тўғрисидаги»;

учинчи хатбошиси «мол-мулкка» деган сўзлардан кейин «ер участкасини ижарага олиш ҳуқуқига» деган сўзлар билан тўлдирилсин;

3) 9-модда:

иккинчи қисмининг учинчи хатбошиси қуйидаги таҳрирда баён этилсин:

«қарздорнинг мол-мулки, ер участкасини ижарага олиш ҳуқуқи ва кредиторнинг бу мол-мулкка ёки ер участкасини ижарага олиш ҳуқуқига бўлган ҳуқуқлари тавсифи»;

тўртинчи қисми «мол-мулкка» деган сўзлардан кейин «шунингдек ер участкасини ижарага олиш ҳуқуқига» деган сўзлар билан тўлдирилсин;

4) 10-модда:

биринчи қисмининг иккинчи жумласи қуйидаги таҳрирда баён этилсин:

«Қарздорнинг розилиги қарздорнинг идентификация маълумотлари, шунингдек кредиторнинг қайси мол-мулкка ҳуқуқи ёки ер участкасини ижарага олиш ҳуқуқи бўлса, ўша мол-мулк ёки ер участкасини ижарага олиш ҳуқуқи кўрсатилган ҳолда электрон ҳужжат тарзида ёки қоғозда расмийлаштирилади»;

иккинчи қисми «мол-мулкка» деган сўзлардан кейин «ер участкасини ижарага олиш ҳуқуқига» деган сўзлар билан тўлдирилсин;

5) 12-модданинг биринчи қисми «ҳуқуқлари» деган сўздан кейин «ер участкасини ижарага олиш ҳуқуқи» деган сўзлар билан тўлдирилсин.

9-модда. Ўзбекистон Республикасининг 2019 йил 25 декабрда қабул қилинган «**Инвестициялар ва инвестиция фаолияти тўғрисида**»ги ЎРҚ–598-сонли Қонунига (Ўзбекистон Республикаси Олий Мажлиси палаталарининг Ахборотномаси, 2019 йил, № 12, 892-модда; 2021 йил, 4-сонга

илова; 2022 йил, № 6, 570-модда, № 12, 1190-модда) қуйидаги ўзгартиришлар киритилсин:

1) **6-модда биринчи қисмининг бешинчи хатбошисидаги** «шунингдек савдо ва хизмат кўрсатиш соҳаси объектларига бўлган мулк ҳуқуқини улар жойлашган ер участкалари билан биргаликда» деган сўзлар чиқариб ташлансин;

2) **55-модданинг биринчи қисмидаги** «савдо ва хизмат кўрсатиш объектларига, шунингдек турар жойларга ва турар жойлар жойлашган ер участкаларига бўлган ҳуқуқи» деган сўзлар чиқариб ташлансин.

10-модда. Ўзбекистон Республикасининг 2021 йил 22 февралда қабул қилинган ЎРҚ–676-сонли Қонуни билан тасдиқланган **Ўзбекистон Республикаси Шаҳарсозлик кодексининг** (Ўзбекистон Республикаси Олий Мажлиси палаталарининг Ахборотномаси, 2021 йил, № 2, 145-модда; 2022 йил, № 6, 570-модда, № 11, 1061-модда) 81-моддасига қуйидаги қўшимча ва ўзгартириш киритилсин:

қуйидаги мазмундаги **биринчи қисм** билан тўлдирилсин:

«Шаҳарсозлик фаолиятини амалга оширишда сервитутлар бинолар ва иншоотлар мулкдорларининг манфаатларини қуйидаги мақсадларда ўзга шахснинг ер участкасидан фойдаланиш ҳуқуқини чекламасдан таъминлаш мумкин бўлмаган ҳолларда белгиланади:

бинолар ва иншоотларни қуриш, реконструкция қилиш ҳамда таъмирлаш;

муҳандислик инфратузилмаси объектларини қуриш, реконструкция қилиш, таъмирлаш ва фойдаланишга топшириш;

худудларда сув тошқинлари ва бошқа табиий офатларнинг олдини олишга қаратилган ишларни олиб бориш;

ўзганинг ер участкаси орқали кесиб ўтиш;

бинолар ва иншоотлар эгаларининг бошқа эҳтиёжлари»;

биринчи, иккинчи ва учинчи қисмлар тегишинча **иккинчи, учинчи** ва **тўртинчи қисмлар** деб ҳисоблансин.

11-модда. Ўзбекистон Республикасининг 2021 йил 15 ноябрда қабул қилинган «**Қишлоқ хўжалигига мўлжалланмаган ер участкаларини хусусийлаштириш тўғрисида**»ги ЎРҚ–728-сонли Қонунига (Ўзбекистон Республикаси Олий Мажлиси палаталарининг Ахборотномаси, 2021 йил, № 11, 1060-модда; 2022 йил, № 6, 577-модда) қуйидаги ўзгартиришлар ва қўшимча киритилсин:

1) **10-модда биринчи қисмининг иккинчи хатбошисидаги** «тадбиркорлик ва шаҳарсозлик фаолиятини» деган сўзлар «тадбиркорлик, шаҳарсозлик фаолиятини ва қонунчиликда тақиқланмаган бошқа фаолиятни» деган сўзлар билан алмаштирилсин;

2) **12-модда биринчи қисми:**

иккинчи хатбошиси қуйидаги таҳрирда баён этилсин:

«фойдали қазилма конлари жойлашган ер участкалари, бундан захирала-

ри фойдали қазилмалар захиралари давлат баланси ҳисобига олинмаган кенг тарқалган фойдали қазилмалар мустасно»;

учинчи хатбошисидаги «муҳандислик ва транспорт инфратузилмаси объектларининг муҳофаза зоналари» деган сўзлар чиқариб ташлансин;

қуйидаги мазмундаги **тўртинчи** ва **бешинчи хатбошилар** билан тўлдирилсин:

«қонунчиликка мувофиқ хусусийлаштирилмайдиган давлат мулки объектлари жойлашган ер участкалари;

шаҳарсозлик фаолиятини амалга ошириш учун қонунчиликда чекловлар ўрнатилган ҳудудлардан фойдаланиш зоналарида жойлашган ер участкалари»;

тўртинчи — еттинчи хатбошилари тегишинча **олтинчи — тўққизинчи хатбошилар** деб ҳисоблансин;

3) **13-модданинг иккинчи қисми** қуйидаги таҳрирда баён этилсин:

«Чет эллик фуқаролар, фуқаролиги бўлмаган шахслар, чет эл юридик шахслари, чет эл инвестициялари иштирокидаги корхоналар, шунингдек давлат органлари, муассасалари, корхоналари ва фуқароларнинг ўзини ўзи бошқариш органлари хусусийлаштириш субъектлари бўлмайди»;

4) **21-модда биринчи қисмининг иккинчи хатбошисидаги** «тадбиркорлик ва шаҳарсозлик фаолиятини амалга ошириш учун» деган сўзлар «тадбиркорлик, шаҳарсозлик фаолиятини ва қонунчиликда тақиқланмаган бошқа фаолиятни амалга ошириш учун» деган сўзлар билан алмаштирилсин;

5) **26-модданинг иккинчи қисми** қуйидаги таҳрирда баён этилсин:

«Хусусийлаштирилиши лозим бўлган давлат кўчмас мулк объектлари жойлашган ер участкалари мазкур кўчмас мулк объектлари билан бирга электрон онлайн-аукцион орқали хусусийлаштирилади»;

6) **27-модданинг иккинчи хатбошисидаги** «тадбиркорлик ва шаҳарсозлик фаолиятини амалга ошириш учун» деган сўзлар «тадбиркорлик, шаҳарсозлик фаолиятини ва қонунчиликда тақиқланмаган бошқа фаолиятни амалга ошириш учун» деган сўзлар билан алмаштирилсин;

7) **28-модданинг учинчи қисмидаги** «мазкур объектнинг ягона мулкый мажмуа сифатидаги қийматидан келиб чиқиб» деган сўзлар «мазкур кўчмас мулк объектларининг бозор қийматини инobatга олган ҳолда» деган сўзлар билан алмаштирилсин;

8) **32-модданинг иккинчи хатбошиси** қуйидаги таҳрирда баён этилсин:

«ер участкасидан фойдаланишда шаҳарсозлик тўғрисидаги қонунчилик, техник жиҳатдан тартибга солиш соҳасидаги норматив ҳужжатлар талабларига риоя этиши»;

9) **34-модда** қуйидаги таҳрирда баён этилсин:

«34-модда. Юридик ва жисмоний шахсларнинг хусусий мулки бўлган ер участкасига мулк ҳуқуқининг бекор қилиниши

Юридик ва жисмоний шахсларнинг хусусий мулки бўлган ер участкасига мулк ҳуқуқи қуйидаги ҳолларда бекор қилинади:

ер участкасига, шунингдек бинолар, иншоотлар ёки бошқа кўчмас мулкка бўлган мулк ҳуқуқи улар жойлашган ер участкаси билан бирга фуқаролик қонунчилигида назарда тутилган тартибда бошқа шахсга ўтказилганда;

жамоат эҳтиёжлари учун ер участкалари, шунингдек бинолар, иншоотлар ёки бошқа кўчмас мулк улар жойлашган ер участкалари билан бирга қайта сотиб олинганда;

қонунда белгиланган ҳолларда ер участкаси, шунингдек бинолар, иншоотлар ёки бошқа кўчмас мулк улар жойлашган ер участкалари билан бирга мусодара қилинганда;

қонунчиликда белгиланган ҳолларда ер участкаси, бинолар, иншоотлар ёки бошқа кўчмас мулк улар жойлашган ер участкалари билан бирга реквизиция қилинганда;

ижро ҳужжатлари бўйича ундирув ер участкасига қаратилганда»;

10) **37-модданинг тўртинчи** ва **бешинчи қисмлари** қуйидаги тахрирда баён этилсин:

«Ушбу модданинг биринчи қисмида кўрсатилган ҳолатлар юзага келган тақдирда, ер участкасини реквизиция қилиш зарурати мавжуд бўлмаганда ер участкаси ушбу ҳолатларнинг амал қилиш даврида вақтинча фойдаланиш учун эгалланиши мумкин ва ер участкасининг мулкдорига унинг ҳуқуқлари вақтинча чекланганлиги муносабати билан етказилган зарарларнинг ўрни қопланади.

Вақтинча эгалланган ер участкасини қайтаришнинг имкони бўлмаган тақдирда, унинг мулкдорига шу ер участкасининг бозор қиймати ва ер участкасини қайтариб беришнинг имкони йўқлиги муносабати билан етказилган бошқа зарарларнинг ўрни қопланади».

12-модда. Ўзбекистон Республикаси Адлия вазирлиги ва бошқа манфаатдор ташкилотлар ушбу Қонуннинг ижросини, ижрочиларга етказилишини ҳамда моҳияти ва аҳамияти аҳоли ўртасида тушунтирилишини таъминласин.

13-модда. Ўзбекистон Республикаси Вазирлар Маҳкамаси:

ҳукумат қарорларини ушбу Қонунга мувофиқлаштирсин;

республика ижро этувчи ҳокимият органлари ушбу Қонунга зид бўлган ўз норматив-ҳуқуқий ҳужжатларини қайта кўриб чиқишлари ва бекор қилишларини таъминласин.

14-модда. Ушбу Қонун расмий эълон қилинган кундан эътиборан кучга киради.

**Ўзбекистон Республикасининг
Президенти**

Ш. МИРЗИЁЕВ

Тошкент ш.,
2023 йил 23 октябрь,
ЎРҚ–871-сон

ЎЗБЕКИСТОН РЕСПУБЛИКАСИНING ҚОНУНИ

431 Ўлчаш воситаларини қиёслашдан ўтказиш соҳасига хусусий сектор жалб қилиниши муносабати билан «Метрология тўғрисида»ги Ўзбекистон Республикаси Қонунига ўзгартириш ва қўшимчалар киритиш ҳақида*

Қонунчилик палатаси томонидан 2023 йил
25 июлда қабул қилинган

Сенат томонидан 2023 йил 30 сентябрда
маъқулланган

Мамлакатимизда стандартлаштириш, метрология ва сертификатлаштириш тизимини такомиллаштириш, мазкур соҳаларда халқаро стандартларни тизимли равишда жорий этиш бўйича кенг кўламли ислохотлар амалга оширилмоқда.

Шу муносабат билан метрология хизматларини кўрсатиш соҳасига хусусий секторни кенг жалб этиш ҳамда давлат ташкилотлари билан бир қаторда унинг ушбу соҳада фаол иштирок этиши учун кўпроқ имкониятлар бериш зарурати юзага келмоқда.

Мазкур Қонун билан «Метрология тўғрисида»ги Ўзбекистон Республикаси Қонунига ўлчаш воситаларини қиёслаш хизматлари республика ижро этувчи ҳокимият органлари ва хўжалик бошқаруви органлари ҳисобланмайдиган юридик шахсларнинг метрология хизматлари томонидан кўрсатилишини, ўлчаш натижалари давлат аҳамиятига эга бўлган ўлчаш воситалари туркумларининг рўйхати Ўзбекистон Республикаси Вазирлар Маҳкамаси томонидан тасдиқланишини, шунингдек метрология текшируви ҳамда давлат метрология назорати функцияларининг ажратилишини назарда тутувчи ўзгартириш ва қўшимчалар киритилмоқда.

Ушбу Қонун метрология соҳасида хусусий тадбиркорликни ривожлантириш учун қулай шароитлар яратилишига ва фаол рақобат муҳити шакллантирилишига хизмат қилади.

1-модда. Ўзбекистон Республикасининг 1993 йил 28 декабрда қабул қилинган «Метрология тўғрисида»ги 1004–XII-сонли Қонунига (Ўзбекистон Республикасининг 2020 йил 7 апрелда қабул қилинган ЎРҚ–614-сонли Қонуни таҳририда) (Ўзбекистон Республикаси Олий Мажлиси палаталарининг Ахборотномаси, 2020 йил, № 4, 254-модда; 2021 йил, 4-сонга илова; 2023 йил, № 2, 106-модда) қуйидаги ўзгартириш ва қўшимчалар киритилсин:

1) 7-модда:

бешинчи хатбошиси қуйидаги таҳрирда баён этилсин:

«метрологияга оид фаолият соҳасида республика ижро этувчи ҳокимият органлари ва хўжалик бошқаруви органларининг фаолиятини мувофиқлаштириши»;

* Ушбу Қонун «Қонунчилик маълумотлари миллий базаси»да 2023 йил 27 октябрда эълон қилинган.

қуйидаги мазмундаги **еттинчи хатбоши** билан тўлдирилсин:

«Ўлчаш натижалари давлат аҳамиятига эга бўлган ўлчаш воситалари туркумлари рўйхатини тасдиқлайди»;

2) 8-модданинг:

иккинчи қисми қуйидаги таҳрирда баён этилсин:

«Ўзбекистон Республикаси метрология хизмати давлат метрология хизматидан, республика ижро этувчи ҳокимият органлари ва хўжалик бошқаруви органлари метрология хизматларидан, шунингдек республика ижро этувчи ҳокимият органлари ва хўжалик бошқаруви органлари ҳисобланмайдиган юридик шахсларнинг метрология хизматларидан иборатдир»;

тўртинчи — еттинчи қисмлари қуйидаги таҳрирда баён этилсин:

«Республика ижро этувчи ҳокимият органлари ва хўжалик бошқаруви органлари метрология хизматлари республика ижро этувчи ҳокимият органлари ва хўжалик бошқаруви органлари ҳузуридаги махсус ташкил этилган ҳамда аккредитация қилинган бўлинмалардан иборатдир.

Юридик шахсларнинг метрология хизматлари республика ижро этувчи ҳокимият органлари ва хўжалик бошқаруви органлари ҳисобланмайдиган махсус ташкил этилган ҳамда аккредитация қилинган юридик шахслардан ва (ёки) улар ҳузуридаги бўлинмалардан (бундан буён матнда юридик шахсларнинг метрология хизматлари деб юритилади) иборат.

Республика ижро этувчи ҳокимият органлари ва хўжалик бошқаруви органлари метрология хизматлари ва юридик шахсларнинг метрология хизматлари зарурат бўлган ҳолларда ўлчашларнинг ягона бирликда бўлишини таъминлаш бўйича ишларни бажариш ҳамда метрология текширувини амалга ошириш учун ташкил этилади.

Республика ижро этувчи ҳокимият органлари ва хўжалик бошқаруви органлари метрология хизматларининг ҳамда юридик шахслар метрология хизматларининг ҳуқуқ ва мажбуриятлари давлат метрология хизмати органлари билан келишиб олинган низомларда ўрнатилади»;

3) 9-модданинг:

олтинчи хатбошисидаги «текшируви ва» деган сўзлар чиқариб ташлансин;

саккизинчи хатбошисидаги «давлат бошқаруви органлари» деган сўзлар «республика ижро этувчи ҳокимият органлари» деган сўзлар билан алмаштирилсин;

ўн биринчи хатбошисидаги «давлат ва хўжалик бошқаруви органларининг» деган сўзлар «республика ижро этувчи ҳокимият органлари ва хўжалик бошқаруви органларининг» деган сўзлар билан алмаштирилсин;

ўн бешинчи хатбошисидаги «давлат ва хўжалик бошқаруви органларидан» деган сўзлар «республика ижро этувчи ҳокимият органлари ва хўжалик бошқаруви органларидан» деган сўзлар билан алмаштирилсин;

4) 10-модданинг:

иккинчи хатбошиси чиқариб ташлансин;

учинчи ва **тўртинчи хатбошилари** тегишинча **иккинчи** ва **учинчи хатбошилар** деб ҳисоблансин;

5) **12-модда** қуйидаги таҳрирда баён этилсин:

«12-модда. Республика ижро этувчи ҳокимият органлари ва хўжалик бошқаруви органлари метрология хизматларининг ҳамда юридик шахслар метрология хизматларининг ваколатлари

Республика ижро этувчи ҳокимият органлари ва хўжалик бошқаруви органларининг метрология хизматлари:

аккредитация қилинган ҳолда ўлчаш воситаларини қиёслаш ва калибрлаш ишларини бажаради;

ўлчашларнинг ягона бирликда бўлишини таъминлашга доир норматив ҳужжатлар лойиҳаларини ишлаб чиқади.

Юридик шахсларнинг метрология хизматлари:

аккредитация қилинган ҳолда ўлчаш воситаларини калибрлаш ҳамда ушбу Қонуннинг 25-моддасида назарда тутилган ҳолларда ўлчаш воситаларини қиёслаш ишларини бажаради;

ўлчашларнинг ягона бирликда бўлишини таъминлашга доир норматив ҳужжатлар лойиҳаларини ишлаб чиқади»;

6) **4-бобнинг номидаги «Давлат метрология текшируви ва»** деган сўзлар **«Метрология текшируви ва давлат метрология»** деган сўзлар билан алмаштирилсин;

7) **18-модда** қуйидаги таҳрирда баён этилсин:

«18-модда. Метрология текширувини ва давлат метрология назоратини амалга ошириш

Метрология текшируви Ўзбекистон миллий метрология институти, республика ижро этувчи ҳокимият органлари ва хўжалик бошқаруви органларининг метрология хизматлари ҳамда юридик шахсларнинг метрология хизматлари томонидан ушбу Қонунда белгиланган ваколатлар доирасида амалга оширилади.

Давлат метрология назорати махсус ваколатли давлат органи томонидан метрология тўғрисидаги қонунчилик талабларига риоя этилиши устидан текшириш мақсадида Ўзбекистон Республикаси Вазирлар Маҳкамаси томонидан белгиланган тартибда амалга оширилади»;

8) **19-модданинг номи** ва **биринчи хатбошиси** қуйидаги таҳрирда баён этилсин:

«19-модда. Метрология текшируви ва давлат метрология назорати объектлари

Қуйидагилар метрология текшируви ва давлат метрология назорати объектларидир»;

9) **20-модданинг:**

номидаги «Давлат метрология текшируви ва» деган сўзлар **«Метрология текшируви ва давлат метрология»** деган сўзлар билан алмаштирилсин;

биринчи қисмидаги «Давлат метрология текшируви ва» деган сўзлар «Метрология текшируви ва давлат метрология» деган сўзлар билан алмаштирилсин;

иккинчи қисмидаги «Давлат метрология текшируви ва» деган сўзлар «Метрология текшируви ва давлат метрология» деган сўзлар билан алмаштирилсин;

10) **21-модда** қуйидаги таҳрирда баён этилсин:

«21-модда. Метрология текшируви

Метрология текшируви ва давлат метрология назорати объектларининг метрологик, техник тавсифларини аниқлаш ва (ёки) тасдиқлаш мақсадида метрология текшируви амалга оширилади.

Метрология текшируви:

ўлчаш воситаларининг турини тасдиқлаш мақсадида синовдан ўтказиш;
ўлчаш воситаларини ва ўлчашларни бажариш услубиётларини метрологик аттестациядан ўтказиш;

ўлчаш воситаларини, шу жумладан эталонларни қиёслаш, калибрлаш;

синов воситаларини аттестациядан ўтказиш тарзида амалга оширилади»;

11) **23-модданинг биринчи қисмидаги** «давлат метрология хизматининг ваколатли органлари» деган сўзлар «махсус ваколатли давлат органи» деган сўзлар билан алмаштирилсин;

12) **25-модда:**

биринчи қисми қуйидаги таҳрирда баён этилсин:

«Ўлчаш воситаларини қиёслаш аккредитация қилинган Ўзбекистон миллий метрология институти, республика ижро этувчи ҳокимият органлари ва хўжалик бошқаруви органларининг метрология хизматлари, шунингдек ушбу модданинг бешинчи қисмида назарда тутилган ҳолларда юридик шахсларнинг метрология хизматлари томонидан амалга оширилади»;

қуйидаги мазмундаги **тўртинчи ва бешинчи қисмлар** билан тўлдирилсин:

«Ўлчаш натижалари давлат аҳамиятига эга бўлган ўлчаш воситалари туркумларининг рўйхати махсус ваколатли давлат органининг Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси ва ушбу ўлчаш воситалари қўлланиладиган соҳадаги ваколатли республика ижро этувчи ҳокимият органлари билан келишилган таклифлари асосида Ўзбекистон Республикаси Вазирлар Маҳкамаси томонидан тасдиқланади.

Ўлчаш натижалари давлат аҳамиятига эга бўлган ўлчаш воситалари туркумларининг рўйхатига киритилмаган ўлчаш воситаларини қиёслаш юридик шахсларнинг метрология хизматлари томонидан амалга оширилиши мумкин».

2-модда. Ўзбекистон Республикаси Инвестициялар, саноат ва савдо вазирлиги ҳамда бошқа манфаатдор ташкилотлар ушбу Қонуннинг ижросини, ижрочиларга етказилишини ҳамда моҳияти ва аҳамияти аҳоли ўртасида тунтирилишини таъминласин.

3-модда. Ўзбекистон Республикаси Вазирлар Маҳкамаси: ҳукумат қарорларини ушбу Қонунга мувофиқлаштирсин; республика ижро этувчи ҳокимият органлари ушбу Қонунга зид бўлган ўз норматив-ҳуқуқий ҳужжатларини қайта кўриб чиқишлари ва бекор қилишларини таъминласин.

4-модда. Ушбу Қонун расмий эълон қилинган кундан эътиборан уч ой ўтгач кучга киради.

**Ўзбекистон Республикасининг
Президенти**

Ш. МИРЗИЁЕВ

Тошкент ш.,
2023 йил 26 октябрь,
ЎРҚ–872-сон

ИККИНЧИ БЎЛИМ**ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ****432** **Авиация фаолиятини самарали ташкил этишга оид қўшимча чора-тадбирлар тўғрисида***

Ўзбекистон Республикасида маҳаллий аҳоли ва сайёҳларни ички авиақатновларда ташишни ривожлантириш учун қулай шарт-шароитлар яратиш, кўрсатилаётган хизматлар сифатини янада яхшилаш мақсадида:

1. Транспорт вазирлиги, Иқтисодиёт ва молия вазирлиги, «Uzbekistan Airways» АЖ ҳамда «Uzbekistan Airports» АЖ бошқарув органларининг:

«SILK AVIA» МЧЖ устав капиталидаги «Uzbekistan Airports» АЖнинг 100 фоиз улушини унинг брендини сақлаб қолган ҳолда «Uzbekistan Airways» АЖ таркибидаги «Uzbekistan Helicopters» МЧЖ устав капиталига ўтказиш;

«Uzbekistan Airports» АЖнинг 3 та «ATR72-600» русумли ҳаво кемасини «SILK AVIA» МЧЖга бегараз ўтказиш;

«SILK AVIA» МЧЖ фаолиятини самарали ташкил этиш ва ривожлантириш стратегиясини амалга ошириш доирасида «ATR72-600» русумли ҳаво кемалари сонини ошириш;

«Uzbekistan Airways» АЖ таркибидаги «Uzbekistan Helicopters» МЧЖ зиммасига маҳаллий авиақатновларнинг сонини ошириш, парвозлар географиясини кенгайтириш, янги йўналишларни йўлга қўйиш ҳамда «ATR72-600» русумли ҳаво кемалари паркини ривожлантириш вазифаларини юклаш тўғрисидаги таклифларига розилик берилсин.

2. Белгилансинки:

«Uzbekistan Airports» АЖнинг устав капиталидаги давлат улуши «SILK AVIA» МЧЖдаги улушнинг қолдиқ (баланс) қийматига камайтирилади ҳамда «Uzbekistan Airways» АЖдаги давлат улуши ва «Uzbekistan Airways» АЖнинг «Uzbekistan Helicopters» МЧЖдаги улуши ушбу қийматга оширилади;

«Uzbekistan Airports» АЖнинг устав капиталидаги давлат улуши «Uzbekistan Airways» АЖ ва «Uzbekistan Airports» АЖ вакилларида ташкил этилган ишчи гуруҳ томонидан аниқланадиган «SILK AVIA» МЧЖга ўтказилаётган 3 та «ATR72-600» русумли ҳаво кемалари билан боғлиқ харажатлар суммасига камайтирилади;

мазкур қарорга асосан активларни бир ташкилотдан бошқа ташкилотга ўтказиш товарни реализация қилиш бўйича айланма сифатида эътироф этилмайди ва иқтисодий жиҳатдан ўзини оқлайдиган бепул товар берилишига тенглаштирилади;

«Uzbekistan Airports» АЖ ва «Ўзмиллийбанк» АЖ ўртасида имзоланган

* Ушбу қарор «Конунчилик маълумотлари миллий базаси»да 2023 йил 19 октябрда эълон қилинган.

кредит шартномаси асосида тўланган 13,62 миллион АҚШ долларининг (12,5 миллион АҚШ доллари миқдоридаги асосий қарз ва 1,12 миллион АҚШ доллари миқдоридаги кредит фоизи) сўмдаги эквивалентига тенг миқдорда «Uzbekistan Airports» АЖнинг 2022 йил якунига кўра олган соф фойдасидан Давлат бюджетига тўлаши лозим бўлган дивидендлари уч йил давомида тенг улушларда бўлиб тўланишига рухсат берилади, бунда кечиктирилган дивиденд суммаси Марказий банкнинг тўлов кунидаги курсида ҳисобга олинади.

3. Транспорт вазирлиги ҳамда Иқтисодиёт ва молия вазирлигининг:

«Ўзмиллийбанк» АЖ томонидан «Uzbekistan Airports» АЖга 3 та «ATR72-600» русумли ҳаво кемасини харид қилиш учун берилган 50 миллион АҚШ доллари миқдоридаги кредитнинг тегишли қисмини «Uzbekistan Airways» АЖга кредит шартларини қайта кўриб чиққан ҳолда қайта расмийлаштириш;

«Uzbekistan Airports» АЖнинг гаров таъминоти сифатида тақдим этилган кўчмас мулкни гаровдан чиқариб, 3 та «ATR72-600» русумли ҳаво кемаси учун ажратилган кредит қийматининг 125 фоизи миқдоридаги «Uzbekistan Airways» АЖнинг мулки ҳамда харид қилинаётган ҳаво кемаларини гаров таъминоти сифатида тақдим этиш;

асосий қарз, фоизлар, комиссия ва бошқа тўловлар билан боғлиқ келгусидаги харажатларни «Ўзмиллийбанк» АЖ билан имзоланган кредит шартномасида кўрсатилган миқдордан келиб чиққан ҳолда, «SILK AVIA» МЧЖ ҳамда «Uzbekistan Airways» АЖ ҳисобидан тўлаш;

«Uzbekistan Airways» АЖ ва «Uzbekistan Airports» АЖ вакилларида ташкил этилган ишчи гуруҳ томонидан «Uzbekistan Airports» АЖнинг «SILK AVIA» МЧЖ бўйича тузилган барча шартномалари ва молиявий харажатларини хатловдан ўтказиб, ушбу хатлов асосида аниқланган шартномалар бўйича «Uzbekistan Airways» АЖни «Uzbekistan Airports» АЖнинг ҳуқуқий вориси этиб белгилаш тўғрисидаги таклифлари маъқуллансин.

4. Транспорт вазирлиги аҳоли ва хорижий сайёҳларнинг талаб ҳамда эҳтиёжларидан келиб чиқиб, ҳудудларни ўзаро боғлаш мақсадида талаб юқори бўлган ҳудудларни аниқлаб, уларда авиақатновлар сонини ошириш ва йўналишларни мувофиқлаштиришга алоҳида эътибор қаратган ҳолда, ҳар йили бир марта ички авиақатновлар йўналишларини қайта кўриб чиқсин.

5. Иқтисодиёт ва молия вазирлиги:

бир ой муддатда «Uzbekistan Airports» АЖнинг «SILK AVIA» МЧЖдаги 100 фоиз улуши «Uzbekistan Helicopters» МЧЖга ўтказилишини ҳамда мазкур қарорга мувофиқ жамиятлар устав капиталлари ўзгартирилишини;

«Uzbekistan Airways» АЖнинг соф фойдасидан давлат улушига ҳисобланадиган дивидендларни мазкур қарорга мувофиқ жамиятга расмийлаштирилдиган кредитни қайтариш учун йўналтириш ва мазкур дивидендлар ҳисобидан жамият устав фондидаги давлат улушини ошириш масаласи жамият бошқарув органларида кўриб чиқилишини таъминласин.

6. Ўзбекистон Республикаси Президентининг 2022 йил 26 октябрдаги «Республикада маҳаллий авиақатновларни ривожлантиришга оид қўшимча

чора-тадбирлар тўғрисида»ги ПҚ–412-сон қарорига иловага мувофиқ ўзгартиришлар киритилсин.

7. Мазкур қарорнинг ижросини самарали ташкил қилишга масъул ва шахсий жавобгар этиб транспорт вазири И.Р. Махкамов белгилансин.

Қарорнинг ўз вақтида ва самарали ижро этилишини назорат қилиш Ўзбекистон Республикасининг Бош вазири А.Н. Арипов зиммасига юклансин.

Ўзбекистон Республикаси

Президенти

Ш. МИРЗИЁЕВ

Тошкент ш.,
2023 йил 16 октябрь,
ПҚ–337-сон

Ўзбекистон Республикаси
Президентининг 2023 йил 16 октябрдаги
ПҚ–337-сон қарорига
ИЛОВА

Ўзбекистон Республикаси Президентининг 2022 йил 26 октябрдаги «Республикада маҳаллий авиақатновларни ривожлантиришга оид қўшимча чора-тадбирлар тўғрисида»ги ПҚ–412-сон қарорига киритилаётган ўзгартиришлар

1. 5-банд қуйидаги тахрирда баён этилсин:

«5. «Ўзмиллийбанк» АЖ томонидан «Uzbekistan Airways» АЖга 50,0 млн АҚШ доллари миқдорида ажратиладиган кредит бўйича:

«Uzbekistan Airways» АЖнинг 3 та «ATR72-600» русумли ҳаво кемалари учун ажратилган кредит қийматининг 125 фоизи миқдоридаги мулк хамда харид қилинаётган ҳаво кемалари гаров таъминоти сифатида тақдим этилади;

асосий қарз, фоизлар, комиссия ва бошқа тўловлар билан боғлиқ харажатлар «Ўзмиллийбанк» АЖ билан имзоланган кредит шартномасида кўрсатилган миқдордан келиб чиққан ҳолда, «SILK AVIA» МЧЖ хамда «Uzbekistan Airways» АЖ ҳисобидан қопланади».

2. 7-банднинг биринчи хатбошисидаги «билан биргаликда» сўзлари «билан биргаликда 2023 йил якунига қадар» сўзлари билан алмаштирилсин.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ**433 Ичимлик сув таъминоти ва оқова сув тизимини янада такомиллаштириш бўйича қўшимча чора-тадбирлар тўғрисида***

Республика истеъмолчиларини тоза ва сифатли ичимлик сув билан таъминлаш ҳамда оқова сув хизматларини яхшилаш борасида қўрилаётган изчил чораларни янада жадаллаштириш, ичимлик сув таъминоти ва оқова сув хизматлари қамровини ошириш, соҳанинг трансформация жараёнини жадаллаштириш ҳамда корхоналарнинг молиявий-иқтисодий аҳолини янада мустаҳкамлаш мақсадида:

1. Қуйидагилар ичимлик сув таъминоти ва оқова сувларни чиқариб юбориш соҳасини босқичма-босқич ислоҳ қилишнинг устувор вазифалари этиб белгилансин:

ичимлик сувни ишлаб чиқаришдан бошлаб якуний истеъмолчига етказиб беришгача бўлган самарали тизимни жорий этиш, ичимлик сувни ҳисобга олиш, сув ҳисоблагичларни тўлиқ ўрнатиш ва йўқотишларни камайтириш, соҳани рақамлаштириш, узлуксиз, сифатли ва хавфсиз хизмат кўрсатилишини таъминлаш;

тизимдаги ташкилотлар молиявий ва иқтисодий функцияларини мустақил бажаришини кўзда тутган ҳолда корпоратив бошқарув тизимини тубдан яхшилаш;

соҳада жозибадор инвестиция муҳитини яратиш орқали ичимлик сувни тарқатиш жараёнларида давлат-хусусий шериклик тамойилларини кенг жорий қилиш, соҳага хусусий инвестицияларни жалб қилиш;

мавжуд сув иншоотлари ва тармоқларига ҳамда якуний истеъмолчиларга сув ҳисоблагичларни ўрнатиш орқали сув ҳажми устидан тўлиқ назорат ўрнатиш, соҳада энергия тежовчи технологияларни ва қайта тикланувчи манбаларни кенг жорий этиш ҳисобига ишлаб чиқариш ҳамда етказиб бериш таннархи ва харажатларини камайтириш;

ичимлик сув таъминоти корхоналарининг операцион самарадорлигини ошириш, дебитор ва кредитор қарздорликларни қисқартириш бўйича тизимли ишларни йўлга қўйиш орқали уларнинг молиявий ҳолатини яхшилаш;

тариф сиёсатини капитал қўйилмалар ва активларни стратегик бошқариш билан узвийлигини таъминлаган ҳолда, илғор хорижий тажрибага асосланиб такомиллаштириш ҳамда шу орқали соҳани босқичма-босқич ўзини ўзи молиялаштиришга ўтказиш;

истеъмолчиларнинг тўлов интизомини мустаҳкамлаш, сув ресурсларидан оқилона фойдаланиш бўйича жамоатчилик кампанияларини амалга ошириш, оммавий ахборот воситалари билан ҳамкорлик қилиш, соҳада қўлланилаётган нормативлар ва стандартларни замонавий талаблар асосида янгилаш.

2. Иқтисодиёт ва молия вазирлиги, Қурилиш ва уй-жой коммунал хў-

* Ушбу қарор «Қонунчилик маълумотлари миллий базаси»да 2023 йил 31 октябрда эълон қилинган.

жалиги вазирлиги (кейинги ўринларда — Вазирлик) ҳамда Давлат активларини бошқариш агентлигининг «Ўзсувтаъминот» АЖ ва унинг таркибидаги корхоналар негизда 2024 йил 1 апрелга қадар алоҳида йўналишлар бўйича қўйидаги акциядорлик жамиятларини ташкил этиш тўғрисидаги таклифи маъқуллансин:

ичимлик сувни ишлаб чиқариш ва магистрал тармоқлар орқали сув етказиб бериш ҳамда сувни ишлаб чиқариш ва магистрал тармоқлар билан боғлиқ бўлган сув объектларини ривожлантириш, шунингдек, эксплуатация қилишни таъминлаш бўйича акциядорлик жамияти шаклида ҳудудий магистрал сув таъминоти ташкилотлари;

ичимлик сув тармоқлари (магистрал тармоқлардан ташқари) орқали ва (ёки) транспортда истеъмолчиларга сув етказиб бериш, оқова сувларни чиқариб юбориш бўйича хизматлар кўрсатиш, тегишли тармоқларни ҳамда оқова сув тизимларини ривожлантириш ва эксплуатация қилиш бўйича акциядорлик жамияти шаклида Қорақалпоғистон Республикаси, вилоятлар ва Тошкент шаҳрида ҳудудий ичимлик сув таъминоти ташкилотлари (кейинги ўринларда — ҳудудий ичимлик сув таъминоти ташкилотлари).

Мазкур банд билан ташкил этилаётган акциядорлик жамиятларининг акциядори этиб холдинг сифатида «Ўзсувтаъминот» АЖ белгилансин.

3. «Ўзсувтаъминот» АЖга ўзининг таркибидаги ташкилотларга мақсадли операцион моделни тасдиқлаш, тарифлар сиёсатини ишлаб чиқиш, бухгалтерия ҳисоби, молия, менежмент, рақамлаштириш, харидлар, кадрлар малакасини ошириш ва бошқа йўналишларда хизмат кўрсатиш вазифалари юклансин.

4. Белгилансинки 2024 йил 1 январдан бошлаб:

ичимлик сув таъминоти ва оқова сувларни чиқариб юбориш бўйича хизматлар учун тарифлар маҳсулот таннархига киритилган харажатлар, жорий харажатлар, тизим объектларини ривожлантириш ва модернизация қилиш харажатлари, молиявий харажатлар, солиқлар (сувнинг технологик жиҳатдан нормативдан юқори даражада сарфланганлиги ва йўқотилганлиги учун солиқлардан ташқари) ва бошқа мажбурий тўловлар, шунингдек, «Ўзсувтаъминот» АЖнинг сақлаш харажатлари ҳамда ташкилотларнинг рентабеллик даражасидан келиб чиққан ҳолда шакллантирилади;

ичимлик сув таъминоти ва оқова сувларни чиқариб юбориш бўйича хизматлар учун Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар Кенгашлари томонидан тасдиқланадиган тарифлар мазкур банднинг иккинчи хатбошисида назарда тутилган харажатлардан кам белгиланган тақдирда, улар ўртасидаги тафовут давлат буюртмаси асосида Давлат бюджетидан қоплаб берилади.

5. Қўйидагилар:

Ичимлик сув таъминоти ва оқова сув тизимини такомиллаштириш бўйича «йўл харитаси» 1-иловага* мувофиқ;

Ичимлик сув таъминоти ва оқова сув тизимини трансформация қилиш жараёнларини тезлаштириш бўйича республика мувофиқлаштирувчи ишчи гуруҳи таркиби 2-иловага* мувофиқ;

* 1-2-иловалар «Қонунчилик маълумотлари миллий базаси»да эълон қилинган.

«Ўзсувтаъминот» АЖ таркибига кирувчи айрим хўжалик жамиятлари ва корхоналарни қайта ташкил этиш механизмлари 3-иловага* мувофиқ;

Республикадаги ичимлик сув таъминоти оғир бўлган маҳаллаларнинг 2024 — 2026 йилларда ичимлик сув таъминотини яхшилаш дастури 4-иловага* мувофиқ;

2024 — 2026 йилларда республика ҳудудларида ичимлик сув тармоқларини уй хўжалигигача етказиш бўйича чора-тадбирлар дастури 5-иловага* мувофиқ;

2024 — 2026 йилларда давлат ижтимоий буюртмаларини бериш орқали ичимлик сув таъминоти йўлга қўйиладиган аҳоли яшаш пунктлари рўйхати 6-иловага* мувофиқ;

«Ўзсувтаъминот» АЖ томонидан халқаро молия институтлари иштирокида амалга ошириладиган лойиҳалар ҳисобига 2024 — 2026 йилларда аҳолини ичимлик сув таъминоти ва оқова сув хизматлари билан таъминлаш дастури 7-иловага* мувофиқ;

Марказлашган сув таъминоти қамрови даражаси паст бўлган туманларда 2024 — 2026 йилларда ичимлик сув тизимларини ривожлантириш дастурининг йиғма параметрлари 8-иловага* мувофиқ;

2024 — 2026 йилларда истеъмолчиларга ичимлик сув учун ҳисоблагичларни ўрнатиш режа-жадвали 9-иловага* мувофиқ;

2024 йилда «Ўзсувтаъминот» АЖ тизим корхоналари объектларида қуёш панелларини ўрнатиш режа-жадвали 10-иловага* мувофиқ;

2024 — 2026 йилларда «Ўзсувтаъминот» АЖ тизим корхоналари объектларидаги мавжуд насосларни энергия тежамкор насосларга алмаштириш режа-жадвали 11-иловага* мувофиқ;

2024 — 2026 йилларда «Ўзсувтаъминот» АЖ таркибидаги лабораторияларнинг моддий-техника базасини яхшилаш дастури 12-иловага* мувофиқ;

«Ўзсувтаъминот» АЖ ва унинг тизим корхоналарига ўтказиладиган ичимлик сув таъминоти ва оқова сув тизими объектлари рўйхати 13-иловага* мувофиқ;

«Ўзсувтаъминот» АЖ корхоналарининг «Худудий электр тармоқлари» АЖга ўтказиладиган нимстанциялари рўйхати 14-иловага* мувофиқ;

«Ўзсувтаъминот» АЖ ва унинг таркибидаги ташкилотларни трансформация қилиш жараёнидаги алоҳида қоидалар 15-иловага** мувофиқ тасдиқлансин.

Бунда, мазкур қарорга 5-иловада кўрсатилган тадбирлар учун талаб қилинадиган маблағлар Қорақалпоғистон Республикаси Вазирлар Кенгаши, вилоятлар ҳокимликлари ва «Ўзсувтаъминот» АЖ томонидан тенг улушларда ажратилади.

6. Вазирлик Иқтисодиёт ва молия вазирлиги, «Ўзсувтаъминот» АЖ, Бухоро, Сирдарё ва Тошкент вилоятлари ҳокимликлари билан биргаликда 2024 йил 1 июлдан бошлаб тажриба тариқасида Когон, Ширин, Янгиер, Бекобод ва Янгийўл шаҳарларида ичимлик ва оқова сув таъминоти тизимлари-

* 3 — 14-иловалар «Қонунчилик маълумотлари миллий базаси»да эълон қилинган.

** 15-илова берилмайди.

нинг давлат-хусусий шериклик шартлари асосида хусусий секторга берилишини таъминласин.

7. Бош вазир ўринбосари А.Ж. Раматов Вазирлик, Иқтисодиёт ва молия вазирлиги, «Ўзсувтаъминот» АЖ, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари билан биргаликда:

Давлат бюджети ва давлат томонидан жалб қилинган маблағлар ҳисобига амалга оширилаётган ичимлик ва оқова сув йўналишидаги лойиҳалар бўйича техник топшириқ шартларини ишлаб чиқишда энг мақбул техник ечимлар, ўзиоқар усули, замонавий энергия тежамкор материаллар ва технологиялар кенг қўлланилишини ҳамда ҳар бир лойиҳа қийматидан ортиқча харажатлар чиқариб ташланишини доимий равишда таъминлаб борсин;

2023 йил якунига қадар давлат томонидан жалб қилинган маблағлар ҳисобидан амалга оширилаётган ичимлик ва оқова сув йўналишидаги лойиҳаларни чуқур таҳлил қилиб, уларнинг кенг жамоатчилик билан муҳокама қилинишини ва қиймати мақбуллаштирилишини таъминласин.

8. Белгилансинки, 2024 йил 1 февралдан бошлаб Давлат бюджети маблағлари ҳисобидан амалга ошириладиган ичимлик ва оқова сув йўналишидаги лойиҳалар доирасида қурилиш материаллари, усқуна ва жиҳозлар 16-иловага* мувофиқ фақат маҳаллий ишлаб чиқарувчилардан харид қилинади.

9. Шундай тартиб ўрнатилсинки, унга мувофиқ:

а) Давлат бюджети ва давлат томонидан жалб қилинган барча маблағлар ҳисобидан амалга оширилаётган ичимлик ва оқова сув йўналишидаги лойиҳалар «Лойиҳалар ва импорт контрактларини комплекс экспертиза қилиш маркази» ДУК томонидан мажбурий равишда экспертизадан ўтказилади;

б) 2024 йил 1 январдан бошлаб:

ичимлик сув таъминоти ва оқова сув соҳасида инвестиция лойиҳа таклифлари Қорақалпоғистон Республикаси Жўқорғи Кенгеси, халқ депутатлари вилоятлар ҳамда Тошкент шаҳар Кенгашларида муҳокама қилинишидан олдин маҳаллий ҳокимият вакиллик органлари депутатлари томонидан ҳудудий ичимлик сув таъминоти ташкилотлари билан биргаликда жойларга чиққан ҳолда тегишли аҳоли пунктларининг фаоллари билан муҳокама қилинади;

муҳокама қилинган ва розилик берилган лойиҳа таклифлари бўйича маълумотлар (ажратилган маблағлар миқдори, ишлар режа-жадваллари, техник ҳужжат ва ишларни олиб бориш бўйича ҳисоботлар) доимий равишда ҳудудий ичимлик сув таъминоти ташкилотлари томонидан ижтимоий тармоқларда тегишли аҳоли пунктларининг фаоллари билан биргаликда лойиҳа учун очиладиган махсус порталда жойлаштириб борилади;

в) ҳар бир лойиҳанинг бажарилиши ҳолати мунтазам равишда тегишли маҳаллий ҳокимият вакиллик органлари депутатлари томонидан жойларга чиққан ҳолда тегишли аҳоли пунктларининг фаолларини жалб қилган ҳолда мониторинг қилинади;

г) Иқтисодиёт ва молия вазирлиги томонидан ҳар йили Ўзбекистон Республикасининг ижтимоий ва ишлаб чиқариш инфратузилмасини ривожлантириш дастури доирасида ичимлик сув таъминоти объектларига энергия те-

* 16-илова «Қонунчилик маълумотлари миллий базаси»да эълон қилинган.

жовчи ускуналарни ўрнатиш ҳамда ичимлик сув ишлаб чиқарувчи, сувни магистрал ва бошқа тармоқлар орқали етказиб берувчи ташкилотларга махсус техникалар харид қилиш учун йилига 100 миллиард сўм миқдорида маблағ ажратилади;

д) Ўзбекистон Республикасининг ижтимоий ва ишлаб чиқариш инфраструктурасини ривожлантириш дастурида назарда тутилган ва давлат томонидан жалб қилинган маблағлар ҳисобига амалга ошириладиган инфратузилма лойиҳалари учун ажратиладиган ерларнинг ер фонди тоифасини ўзгартириш тўғрисидаги таклифлар барча ваколатли органлар томонидан устувор равишда 3 кун ичида кўриб чиқилади;

е) 2024 йил 1 январдан бошлаб янги қуриладиган ичимлик ва оқова сув йўналишидаги объектлар ва тизимларни лойиҳалаштиришда мазкур ҳудуднинг тўлиқ қамров даражасини инobatга олиш талаби ўрнатилади;

ж) 2024 йил 1 апрелдан бошлаб барча лойиҳаларда ичимлик ва оқова сув иншоотлари ҳамда тармоқларидаги сув ҳисобини рақамлаштириш бўйича ечимлар, сув иншоотлари ва тармоқларига сув ҳисоблагичларини ўрнатиш, ичимлик сув тармоқларини аҳоли хонадонларигача етказиб беришда ушбу хонадонларни ягона биллинг тизимига улаган ҳолда ҳисоблагичлар ўрнатишни акс эттириш мажбурий ҳисобланади.

10. Давлат активларини бошқариш агентлиги ва «Ўзсувтаъминот» АЖнинг ҳудудий сув таъминоти ташкилотлари кузатув кенгаши таркибига Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимларини киритиш тўғрисидаги таклифи маъқуллансин.

11. Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликларига маҳаллий бюджет маблағлари ҳисобидан ҳудудий сув ишлаб чиқариш, сув таъминоти ҳамда магистрал тармоқлар ташкилотларининг моддий-техника базасини яхшилаш ва ривожлантириш учун ушбу ташкилотларнинг махсус мақсадли банк ҳисобварақларига маблағларни йўналтириш ёки мазкур маблағлар ҳисобидан харид қилинган мол-мулкларни уларга бепул ўтказишга рухсат берилсин.

Бунда, ушбу маблағлар ва мол-мулклар «Ўзсувтаъминот» АЖ устав капиталига давлат улуши сифатида киритилади ва тегишлилиги бўйича таркибидаги ташкилотларнинг устав капиталидаги «Ўзсувтаъминот» АЖ улуши оширилади.

Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари бир ой муддатда мазкур қарор қабул қилингунга қадар «Ўзсувтаъминот» АЖ таркибидаги ташкилотларнинг моддий-техника базасини яхшилаш учун харид қилинган мол-мулкларнинг ушбу ташкилотларга ўтказилишини таъминласин.

Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимларининг ичимлик сув таъминоти ва оқова сув соҳасидаги кўшимча вазифалари 17-иловага мувофиқ тасдиқлансин.

12. Иқтисодиёт ва молия вазирлиги Инвестициялар, саноат ва савдо вазирлиги ҳамда «Ўзсувтаъминот» АЖ билан биргаликда 2024 йилда соҳада сув сарфи ҳисобини тартибга солиш, йўқотишлар даражасини камайтириш,

мавжуд тармоқларнинг рақамли харитаси ва активларни бошқариш тизими жорий этиш ҳамда соҳада «яшил иқтисодиёт» кўламини кенгайтириш бўйича лойиҳани амалга ошириш мақсадида Осиё тараққиёт банкнинг камида 100 миллион АҚШ доллари миқдоридagi қарз маблағлари жалб қилинишини таъминласин.

13. Белгилансинки:

«Ўзсувтаъминот» АЖ томонидан халқаро молия институтлари ва хорижий ҳукумат молия ташкилотлари иштирокида амалга оширилаётган лойиҳалар доирасида товар, иш ва хизматларни сотиб олиш бўйича тасдиқланган харид комиссияси таркибига тегишинча Қорақалпоғистон Республикаси, вилоятлар ва Тошкент шаҳри ҳокимликларининг камида 2 нафар вакили кирилади;

халқаро молия институтлари ва хорижий ҳукумат молия ташкилотлари маблағлари устувор равишда комплекс ёндашув асосида алоҳида ҳудудларни ичимлик сув таъминоти ва туман марказларини оқова сув хизмати билан тўлиқ қамраб олиш, йирик сув ҳамда оқова сув объектларни қуриш ва реконструкция қилиш лойиҳаларини амалга ошириш учун жалб қилинади;

«Ўзсувтаъминот» АЖнинг давлат улуши бўйича акциядор функцияси Давлат активларини бошқариш агентлиги томонидан амалга оширилади;

«Ўзсувтаъминот» АЖнинг ҳудудий магистрал сув таъминоти ташкилотлари хусусийлаштирилмайди;

автомобиль йўлларини қуриш ва таъмирлаш ишларини амалга оширишда мавжуд ичимлик ва оқова сув тизимларини кўчириш ёки қайта тиклаш билан боғлиқ ишлар йўл қуриш ва таъмирлаш лойиҳаларида кўзда тутилади.

14. Халқаро молия институтларининг ва хорижий ҳукумат молия ташкилотларининг маблағлари ҳисобидан ичимлик сув таъминоти ва оқова сувларни чиқариб юбориш соҳасидаги лойиҳалар доирасида харид (импорт) қилинадиган (етказиб бериладиган) махсус техникалар, ускуналар ва транспорт воситалари 2027 йил 1 январга қадар утилизация йиғимидан озод этилсин.

15. «Ўзсувтаъминот» АЖ ва унинг таркибидаги ташкилотларнинг 18-иловага* мувофиқ қарздорликларини кечиктириш, реструктуризация қилиш ва ҳисобланган пеня ва жарималарни ҳисобдан чиқариш тўғрисидаги таклифи маъқуллансин.

16. Иқтисодиёт ва молия вазирлиги «Ўзсувтаъминот» АЖ ҳамда унинг тизим ташкилотлари томонидан жалб қилинган халқаро молия институтлари ва хорижий ҳукумат молия ташкилотлари қарзлари ва кредитларининг қайтарилишида уларнинг етишмаган қисмини Ўзбекистон Республикаси Давлат бюджети маблағлари ҳисобидан қайтарилишини таъминласин.

17. Ўзбекистон Республикаси Президентининг айрим қарорларига 19-иловага мувофиқ 2024 йил 1 январдан эътиборан ўзгартиришлар киритилсин.

18. Вазирлик манфаатдор вазирлик ва идоралар билан биргаликда икки ой муддатда қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

19. Қўйидагиларга:

* 18-илова берилмайди.

Бош вазир ўринбосари А.Ж. Раматовга — «йўл харитаси» ва мазкур қарорга иловаларда белгиланган чора-тадбирлар ўз муддатида ва сифатли амалга оширилишининг мувофиқлаштирилиши, шу жумладан аввалги йиллардан ўтиб келаётган объектларни белгиланган муддатларда фойдаланишга топшириш, ичимлик ва оқова сув объектларига ажратилаётган маблағлардан самарали фойдаланган ҳолда объектлар қурилиш ишлари таннархини арзонлаштириш юзасидан;

Бош вазир ўринбосари Д.А. Кучкаровга — «йўл харитаси» ва мазкур қарорга иловаларда белгиланган чора-тадбирларга, шу жумладан ижтимоий буюртма асосида амалга ошириладиган, энергия тежамкор ускуналарни ўрнатиш ҳамда ижтимоий ва ишлаб чиқариш инфратузилмасини ривожлантириш ва бошқа дастурлар доирасида ичимлик ва оқова сув объектларига Давлат бюджетидан зарур маблағларнинг белгиланган муддатларда ва тўлиқ ҳажмда ажратилиши юзасидан;

Бош вазир ўринбосари Ж.А. Ходжаевга — халқаро молия институтлари ва хорижий ҳукумат молия ташкилотлари ҳамда бошқа кредит муассасалари маблағлари ҳисобидан ичимлик ва оқова сув объектларини қуриш, реконструкция қилиш ва таъмирлаш бўйича амалга ошириладиган лойиҳалар учун хорижий инвестиция ва имтиёзли кредит маблағларининг белгиланган муддатларда жалб этилиши юзасидан;

иқтисодиёт ва молия вазири ўринбосари, Республика мувофиқлаштирувчи ишчи гуруҳи раҳбари А.М. Бобоевга — ичимлик сув таъминоти ва оқова сув тизимини трансформация қилиш жараёнлари мувофиқлаштирилиши, соҳа корхоналарининг молиявий ва иқтисодий барқарор фаолиятини таъминлаш бўйича амалий чоралар кўрилиши, жалб қилинган халқаро молия институтлари маблағларини ўзлаштириш ҳолатининг мониторинг қилиниши, бу борадаги муаммоларни аниқлаш ҳамда тезкор ҳал этиш чоралари кўриб борилиши юзасидан;

«Ўзсувтаъминот» АЖ бошқаруви раиси в.б. Д.С. Азимовга — белгиланган чора-тадбирларнинг ўз муддатида ва сифатли амалга оширилиши, соҳага энергия тежамкор ҳамда илғор рақамли технологиялар жорий этилиши, ичимлик ва оқова сув объектларини лойиҳалаштириш, қуриш, реконструкция қилиш ва таъмирлаш ишлари таннархининг камайтирилиши, қамров ва сув сифати даражаси ошириб борилиши, лабораторияларнинг жиҳозланиши, сув йўқотишларининг камайтирилиши, кадрларни тайёрлаш, ичимлик ва оқова сув таъминоти соҳасига оид норматив-ҳуқуқий база такомиллаштирилиши юзасидан шахсий масъулият юклансин.

20. Мазкур қарорнинг ижросини назорат қилиш Бош вазир ўринбосарлари А.Ж. Раматов ва Д.А. Кучкаров зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2023 йил 24 октябрь,
ПҚ–343-сон

Ўзбекистон Республикаси
Президентининг 2023 йил 24 октябрдаги
ПҚ-343-сон қарорига
17-ИЛОВА

**Қорақалпоғистон Республикаси Вазирлар Кенгаши Раиси,
вилоятлар ва Тошкент шаҳри ҳокимларининг ичимлик сув
таъминоти ва оқова сув соҳасидаги
ҚЎШИМЧА ВАЗИФАЛАРИ**

1. Ўз ҳудудидаги сув таъминоти ва оқова сув соҳасидаги инвестиция лойиҳаларини ишлаб чиқишдан бошлаб ўз вақтида ишга туширишгача жавобгар ҳисобланади.

2. Ҳудудий сув ишлаб чиқариш ва сув таъминоти ташкилотлари моддий-техник базасини ва молиявий ҳолатини яхшилаш, шу жумладан, дебитор ва кредитор қарздорлигини қисқартиришга ҳамда истеъмолчиларга ҳисоблагичлар ўрнатиш параметрларининг бажарилишига шахсан масъул ҳисобланади.

3. Ичимлик сув таъминоти ва оқова сувларни чиқариб юбориш бўйича хизматлар учун тарифлар маҳсулот таннархига киритилган харажатлар, тизим объектларини ривожлантириш ва модернизация қилиш, молиявий харажатлар, солиқлар (сувнинг технологик жиҳатдан нормативдан юқори даражада сарфланганлиги ва йўқотилганлиги учун солиқлардан ташқари) ва бошқа мажбурий тўловлар, шунингдек, «Ўзсувтаъминот» АЖнинг сақлаш харажатлари ҳамда ташкилотлар рентабеллик даражасидан келиб чиққан ҳолда тарифларнинг жорий этилишини ҳамда ҳар йили камида бир марта қайта кўриб чиқилишини таъминлайди.

4. Халқаро молия институтлари ва хорижий молия ташкилотлари ҳисобидан амалга оширилаётган лойиҳаларни кўриб чиқади ва маблағларнинг иқтисод қилинишини таъминлайди.

5. Туман ва маҳаллаларнинг ичимлик сув ва оқова сув объектларини давлат-хусусий шериклик асосида бериш бўйича таклифларни «Ўзсувтаъминот» АЖ билан биргаликда ишлаб чиқади ҳамда Қурилиш ва уй-жой коммунал хўжалиги вазирлигига киритади;

6. Ҳудудий сув ишлаб чиқариш ва сув таъминоти ташкилотлари иншоот ва объектларида энерготежамкор ускуналарни ҳамда муқобил энергия манбаларини ўрнатиш орқали ишлаб чиқариш харажатлари камайтирилишини таъминлайди.

7. Давлат активларини бошқариш агентлиги билан биргаликда «Ўзсувтаъминот» АЖ тизим корхоналарининг туман (шаҳар) бўлимларини бино билан таъминлайди.

8. Амалга оширилган чораларнинг дастлабки, оралик ва якуний натижалари бўйича Қорақалпоғистон Республикаси Жўқорғи Кенгеси, вилоятлар ва Тошкент шаҳар халқ депутатлари кенгашига ҳар чоракда ҳисобот бериб боради.

9. Ҳудудий сув ишлаб чиқариш ва сув таъминоти ташкилотлари томо-

нидан фаолиятига хос бўлмаган барча хизматлар фақат ҳақ эвазига амалга оширилишини таъминлайди.

Ўзбекистон Республикаси
Президентининг 2023 йил 24 октябрдаги
ПҚ–343-сон қарорига
19-ИЛОВА

**2024 йил 1 январдан эътиборан Ўзбекистон Республикаси
Президентининг айрим қарорларига киритилаётган
ўзгартиришлар**

1. Ўзбекистон Республикаси Президентининг 2017 йил 18 апрелдаги «Ўзбекистон Республикаси Уй-жой коммунал хизмат кўрсатиш вазирлиги фаолиятини ташкил этиш тўғрисида»ги ПҚ–2900-сон қарорининг 7-бандида:
бешинчи хатбоши чиқариб ташлансин;
олтинчи — саккизинчи хатбошилар тегишинча бешинчи — еттинчи хатбошилар деб ҳисоблансин;
олтинчи ва еттинчи хатбошилар чиқариб ташлансин.
2. Ўзбекистон Республикаси Президентининг 2018 йил 30 ноябрдаги «Ўзбекистон Республикасида ичимлик суви таъминоти ва канализация тизимларини ривожлантириш бўйича қўшимча чора-тадбирлар тўғрисида»ги ПҚ–4040-сон қарори 17-бандининг иккинчи хатбошиси ва «а» кичик банди ўз кучини йўқотган деб ҳисоблансин.

БЕШИНЧИ БЎЛИМ**ЎЗБЕКИСТОН РЕСПУБЛИКАСИ
БОШ ПРОКУРАТУРАСИ ХУЗУРИДАГИ
ИҚТИСОДИЙ ЖИНОЯТЛАРГА ҚАРШИ КУРАШИШ
ДЕПАРТАМЕНТИ БОШЛИҒИНИНГ
БУЙРУҒИ**

434 Қимматбаҳо металл ва қимматбаҳо тошлар билан боғлиқ бўлган операцияларни амалга оширувчи шахслар учун жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича ички назорат қоидаларига ўзгартиришлар киритиш тўғрисида*

*Ўзбекистон Республикаси Адлия вазирлиги томонидан 2023 йил
16 октябрда рўйхатдан ўтказилди, рўйхат рақами 2034-7*

Ўзбекистон Республикаси Президентининг 2023 йил 25 январдаги ПФ–14-сон «Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида»ги Фармониға мувофиқ **буюраман:**

1. Ўзбекистон Республикаси Бош прокуратураси хузуридаги Солиқ, валютаға оид жиноятларға ва жиноий даромадларни легаллаштиришға қарши курашиш департаменти бошлиғининг 2009 йил 13 октябрдаги 36-сон қарори (рўйхат рақами 2034, 2009 йил 3 ноябрь) (Ўзбекистон Республикаси қонун ҳужжатлари тўплами, 2009 йил, 45-сон 492-модда) билан тасдиқланган Қимматбаҳо металл ва қимматбаҳо тошлар билан боғлиқ бўлган операцияларни амалга оширувчи шахслар учун жиноий фаолиятдан олинган даромадларни легаллаштиришға, терроризмни молиялаштиришға ва оммавий қирғин қуролини тарқатишни молиялаштиришға қарши курашиш бўйича ички назорат қоидаларига иловаға мувофиқ ўзгартиришлар киритилсин.

2. Мазкур буйруқ Ўзбекистон Республикаси Иқтисодиёт ва молия вазирлиги билан келишилган.

3. Мазкур буйруқ расмий эълон қилинган кундан эътиборан кучға киғади.

Департамент бошлиғи

Д. РАХИМОВ

Тошкент ш.,
2023 йил 28 сентябрь,
37-сон

* Ушбу буйруқ «Қонунчилик маълумотлари миллий базаси»да 2023 йил 17 октябрда эълон қилинган.

Келишилди:

Иқтисодиёт ва молия вазирлиги

Д. КУЧКАРОВ

2023 йил 14 сентябрь

Ўзбекистон Республикаси
Бош прокуратураси ҳузуридаги Иқтисодий
жиноятларга қарши курашиш департаменти
бошлигининг 2023 йил 28 сентябрдаги
37-сон буйруғига
ИЛОВА

**Қимматбаҳо металл ва қимматбаҳо тошлар билан боғлиқ
бўлган операцияларни амалга оширувчи шахслар учун
жиноий фаолиятдан олинган даромадларни легаллаштиришга,
терроризмни молиялаштиришга ва оммавий қирғин қуролини
тарқатишни молиялаштиришга қарши курашиш бўйича ички
назорат қоидаларига киритилаётган ўзгартиришлар**

1. 6-банд қуйидаги таҳрирда баён этилсин:

«Қимматбаҳо металл ва қимматбаҳо тошлар билан боғлиқ бўлган операцияларни амалга оширувчи шахслар тайинланган масъул шахс ҳақидаги маълумотларни ҳар йили 15 январга қадар Ўзбекистон Республикаси Иқтисодиёт ва молия вазирлиги ҳузуридаги Давлат асиллик даражаси назорати инспекцияси (бундан буён матнда Асиллик инспекцияси деб юритилади) ва махсус ваколатли давлат органига тақдим этишлари шарт.

Масъул шахс ўзгарган тақдирда, бу ҳақда қимматбаҳо металл ва қимматбаҳо тошлар билан боғлиқ бўлган операцияларни амалга оширувчи шахс уч иш куни мобайнида Асиллик инспекциясини ва махсус ваколатли давлат органини хабардор қилиши лозим.»

2. 7-банднинг олтинчи хатбошисидаги «палатаси» деган сўз «инспекцияси» деган сўз билан алмаштирилсин.

3. 10-банддаги «палатаси» деган сўз «инспекцияси» деган сўз билан алмаштирилсин.

4. 17³-банднинг учинчи хатбошисидаги «палатаси» деган сўз «инспекцияси» деган сўз билан алмаштирилсин.

5. 26¹-банддаги «палатаси» деган сўз «инспекцияси» деган сўз билан алмаштирилсин.

6. 27-банддаги «палатаси» деган сўз «инспекцияси» деган сўз билан алмаштирилсин.

ЎЗБЕКИСТОН РЕСПУБЛИКАСИ
МИЛЛИЙ ГВАРДИЯСИ ҚЎМОНДОНИНИНГ
БУЙРУҒИ

435 Идоравий ҳарбийлаштирилган қўриқлаш ҳамда идоравий қоровуллик бўлинмалари ишчиларининг ва хизматчиларининг хизмат-жанговар, ижтимоий-ҳуқуқий, ахлоқий-руҳий ҳамда жисмоний тайёргарлигини амалга ошириш тартиби тўғрисидаги низомни тасдиқлаш ҳақида*

*Ўзбекистон Республикаси Адлия вазирлиги томонидан 2023 йил
16 октябрда рўйхатдан ўтказилди, рўйхат рақами 3464*

Ўзбекистон Республикасининг «Қўриқлаш фаолияти тўғрисида»ги Қонунининг 8-моддасига мувофиқ **буюраман:**

1. Идоравий ҳарбийлаштирилган қўриқлаш ҳамда идоравий қоровуллик бўлинмалари ишчиларининг ва хизматчиларининг хизмат-жанговар, ижтимоий-ҳуқуқий, ахлоқий-руҳий ҳамда жисмоний тайёргарлигини амалга ошириш тартиби тўғрисидаги низом иловага мувофиқ тасдиқлансин.

2. Ушбу буйруқ Ўзбекистон Республикаси Камбағалликни қисқартириш ва бандлик вазирлиги, Мактабгача ва мактаб таълими вазирлиги, Рақамли технологиялар вазирлиги, Олий таълим, фан ва инновациялар вазирлиги, Транспорт вазирлиги, Соғлиқни сақлаш вазирлиги, Мудофаа вазирлиги, Қурилиш ва уй-жой коммунал хўжалиги вазирлиги ҳамда Энергетика вазирлиги билан келишилган.

3. Мазкур буйруқ расман эълон қилинган кундан эътиборан кучга киради.

Қўмондон

Р. ДЖУРАЕВ

Тошкент ш.,
2023 йил 28 сентябрь,
250-сон

Келишилди:

**Камбағалликни қисқартириш
ва бандлик вазири**

Б. МУСАЕВ

2023 йил 14 сентябрь

**Мактабгача ва мактаб
таълими вазири**

Х. УМАРОВА

2023 йил 14 сентябрь

* Ушбу буйруқ «Қонунчилик маълумотлари миллий базаси»да 2023 йил 19 октябрда эълон қилинган.

Рақамли технологиялар вазири **Ш. ШЕРМАТОВ**

2023 йил 12 сентябрь

*Олий таълим, фан ва
инновациялар вазири*

И. АБДУРАҲМОНОВ

2023 йил 9 сентябрь

Транспорт вазири

И. МАХКАМОВ

2023 йил 19 сентябрь

Соғлиқни сақлаш вазири

А. ИНОЯТОВ

2023 йил 15 сентябрь

Мудофаа вазири

Б. КУРБАНОВ

2023 йил 13 сентябрь

*Қурилиш ва уй-жой
коммунал хўжалиги вазири*

Б. ЗАКИРОВ

2023 йил 15 сентябрь

Энергетика вазири

Ж. МИРЗАМАҲМУДОВ

2023 йил 12 сентябрь

Ўзбекистон Республикаси
Миллий гвардияси қўмондонининг 2023 йил
28 сентябрдаги 250-сон буйруғига
ИЛОВА

**Идоравий ҳарбийлаштирилган қўриқлаш ҳамда идоравий қоровуллик бўлинмалари ишчиларининг ва хизматчиларининг хизмат-жанговар, ижтимоий-ҳуқуқий, ахлоқий-руҳий ҳамда жисмоний тайёргарлигини амалга ошириш тартиби тўғрисидаги
НИЗОМ**

Мазкур Низом идоравий ҳарбийлаштирилган қўриқлаш ҳамда идоравий қоровуллик бўлинмалари ишчиларининг ва хизматчиларининг хизмат-жанговар, ижтимоий-ҳуқуқий, ахлоқий-руҳий ҳамда жисмоний тайёргарлигини амалга ошириш тартибини белгилайди.

1-боб. Умумий қоидалар

1. Ушбу Низомда қуйидаги асосий тушунчалардан фойдаланилади:

идоравий ҳарбийлаштирилган қўриқлаш — давлат ва хўжалик бошқаруви органларининг, маҳаллий давлат ҳокимияти органларининг ҳамда бошқа ташкилотларнинг ўз объектларини қўриқлаш бўйича махсус вазифаларни бажариш учун юридик шахс ташкил этмасдан тузиладиган, хизмат фаолияти қоровуллик хизматини ташкил этиш ва ўташ тартиби талабларига мувофиқ ташкил этиладиган таркибий бўлинмаси томонидан амалга ошириладиган қўриқлаш фаолиятининг тури;

идоравий қоровуллик — давлат ва хўжалик бошқаруви органларининг, маҳаллий давлат ҳокимияти органларининг ҳамда бошқа ташкилотларнинг, тадбиркорлик субъектларининг ўз объектларини қўриқлаш учун юридик шахс ташкил этмасдан тузиладиган таркибий бўлинмаси томонидан ёки зиммасига тегишли вазифаларни бажариш юклатилган алоҳида ходими томонидан амалга ошириладиган қўриқлаш фаолиятининг тури;

идоравий ҳарбийлаштирилган қўриқлаш ҳамда идоравий қоровуллик бўлинмаларининг ишчиси ва хизматчиси (бундан буён матнда ишчи ва хизматчи деб юритилади) — идоравий ҳарбийлаштирилган қўриқлаш ҳамда идоравий қоровуллик бўлинмаларининг қўриқлаш фаолиятини бошқариш, назорат қилиш ва амалга ошириш вазифалари ўз зиммасига юклатилган ишчиси ва хизматчиси;

қўриқланадиган объект — белгиланган тартибда қўриқлашга олинган жисмоний ва юридик шахсларнинг бинолари, иморатлари, иншоотлари, уларнинг ҳудудлари, жойнинг участкалари, транспорт воситалари, транспортда ташиладиган юклари, пул маблағлари, моддий бойликлари ва бошқа мол-мулки, шунингдек жисмоний шахс;

хизмат-жанговар тайёргарлик — ишчи ва хизматчиларни махсус ўқув дастурларига асосан махсус-тактик тайёргарлик, ўқ отиш тайёргарлиги,

муҳандислик тайёргарлиги, тиббий тайёргарлик ва саф тайёргарлиги бўйича ривожлантиришга қаратилган касбий тайёргарлик тури;

ижтимоий-ҳуқуқий тайёргарлик — ишчи ва хизматчиларни мутахассислик тайёргарлиги ва ҳуқуқий тайёргарлик бўйича ривожлантиришга қаратилган касбий тайёргарлик тури;

ахлоқий-руҳий тайёргарлик — ишчи ва хизматчиларда уларнинг хизмат фаолияти давомида 5 юксак маънавий, руҳий ва профессионал сифатларини такомиллаштиришга қаратилган касбий тайёргарлик тури;

жисмоний тайёргарлик — мазкур Низомнинг 1-иловасида* назарда тутилган спорт турларидан фойдаланган ҳолда, қўриқлаш фаолиятига оид вазифаларни бажариш учун ишчи ва хизматчиларнинг чидамлилиги ва эпчиллигини таъминлашга қаратилган касбий тайёргарлик тури.

2. Ишчи ва хизматчиларнинг касбий тайёргарлиги уларнинг ўз хизмат вазифаларини бажариши учун зарур бўлган билим, кўникма, малакаларни оширишга, чидамлик ва эпчилликни таъминлашга қаратилган хизмат-жанговар, ижтимоий-ҳуқуқий, ахлоқий-руҳий ва жисмоний тайёргарлик машғулотларини (бундан буён матнда касбий тайёргарлик машғулотлари деб юритилади) ўз ичига олади.

2-боб. Идоравий ҳарбийлаштирилган қўриқлаш ҳамда идоравий қоровуллик бўлинмалари ишчиларининг ва хизматчиларининг касбий тайёргарлик машғулотларини амалга ошириш тартиби

3. Касбий тайёргарлик машғулотлари таркибида идоравий ҳарбийлаштирилган қўриқлаш ва идоравий қоровуллик бўлинмалари бўлган давлат бошқаруви органи, хўжалик бирлашмаси, маҳаллий давлат ҳокимияти органи ёки бошқа ташкилотлар раҳбарининг (бундан буён матнда объект раҳбари деб юритилади) буйруғи (фармойиши) асосида ташкил этилади.

4. Касбий тайёргарлик машғулотларини ташкил этиш учун унга масъул этиб белгиланган шахс томонидан объект раҳбарига мазкур машғулотлар бошланишидан ўн кун олдин ушбу Низомнинг 3-бандида назарда тутилган буйруқ (фармойиш) лойиҳаси тайёрланган ҳолда тақдим этилади.

Бунда, объект раҳбари томонидан мазкур буйруқ (фармойиш) касбий тайёргарлик машғулотлари бошланишидан уч кун олдин тасдиқланиши зарур.

5. Объект раҳбари томонидан тасдиқланган буйруқда (фармойишда) касбий тайёргарлик машғулотларини ташкил этиш учун масъуллар, ушбу машғулотларни ташкил этиш куни, жойи, вақти, ким томонидан ўтказилиши белгиланади.

6. Касбий тайёргарлик машғулотлари икки ўқув босқичида ўтказилади: биринчи ўқув босқичи январь — май ойларида; иккинчи ўқув босқичи июль — ноябрь ойларида.

Июнь ва декабрь ойи янги ўқув босқичига тайёргарлик ойлари ҳисобланади.

* 1-илова «Қонунчилик маълумотлари миллий базаси»да эълон қилинган.

7. Идоравий ҳарбийлаштирилган кўриқлаш ҳамда идоравий қоровуллик бўлинмалари ишчиларининг ва хизматчилари учун касбий тайёргарлик машғулотлари қўйидаги миқдорларда белгиланади:

идоравий ҳарбийлаштирилган кўриқлаш бўлинмаларида — ойига 8 академик соат (ўқув йилида 80 академик соат);

идоравий қоровуллик бўлинмаларида — ойига 4 академик соат (ўқув йилида 40 академик соат).

8. Касбий тайёргарлик машғулотлари назарий, амалий, мустақил тайёргарлик ва синовларни қабул қилиш каби ўқитиш усулларидан фойдаланган ҳолда объект ҳудудида ва (ёки) дала-ўқув полигонларида ташкил этилади.

9. Касбий тайёргарлик машғулотлари жараёнида гуруҳдаги ишчи ва хизматчиларнинг сони 25 нафардан ошмаслиги лозим.

10. Касбий тайёргарлик машғулотлари объект раҳбари томонидан тасдиқланган буйруқда (фармойишда) масъул этиб белгиланган мутахассислар томонидан ўтказилади.

Бунда, касбий тайёргарлик машғулотларига шартнома асосида давлат органлари ва бошқа ташкилотларнинг педагог кадрлари ва мутахассислари жалб этилиши мумкин.

11. Касбий тайёргарлик машғулотларини ташкил этиш учун масъул этиб белгиланган мутахассисларнинг вазифалари қўйидагилардан иборат ҳисобланади:

ўқув жараёнини режалаштириш ва ишлаб чиқишда қўл остидаги ишчи ва хизматчиларга вазифаларни тақсимлаб бериш ҳамда уларнинг бажарилишини назорат қилиш;

ўқув жараёнини ташкил этиш учун маълумотлар ва маърузалар ресурсларини шакллантириш ҳамда янгилаб бориш;

касбий тайёргарлик машғулотлари гуруҳлар таркибида ва махсус тактик машқлар ўқув режалари ҳамда дастурларига асосан ўтказилиб, ўқув гуруҳи журналларини тўғри юритилишини назорат қилиш;

ўқув-моддий базани яхшилаш ва талаб даражасида сақлаб туришга раҳбарлик қилиш;

касбий тайёргарлик машғулотларини ўтказишда хавфсизлик қоидалари ҳамда талабларининг бажарилиши, меҳнатни муҳофаза қилиш қоидаларига риоя этилишини назорат қилиш.

12. Ишчи ва хизматчилар касбий тайёргарлик машғулотлари билан тўлиқ қамраб олинади.

Хизматда, меҳнат таътилида бўлган, касаллик варақаси бўйича ишда бўлмаган ёки бошқа узрли сабаблар билан (яқин қариндошларининг вафоти, Ўзбекистон Республикасидан ташқарида бўлиши сабабли) қатнашмаган ишчи ва хизматчилар учун қўшимча машғулотлар ташкил этилади.

Бунда, объект раҳбари томонидан ишчи ва хизматчилар учун қўшимча машғулотлар улар ўз хизмат фаолиятини бошлаган кундан эътиборан ўн кун ичида ташкил этилиши керак.

3-боб. Касбий тайёргарлик якунлари бўйича синов имтиҳонларини ўтказиш тартиби

13. Идоравий қоровуллик бўлинмалари ишчи ва хизматчилари касбий тайёргарлик якунлари бўйича синов имтиҳонларидан (бундан буён матнда синов деб юритилади) ўтказилади.

Синов касбий тайёргарлик машғулотларининг иккинчи ўқув босқичи якунида ўтказилади.

14. Идоравий қоровуллик бўлинмалари ишчи ва хизматчилари учун касбий тайёргарлик якунлари бўйича синов имтиҳонларини ўтказиш мазкур бобда белгиланган тартибда ўтказилади.

Бунда, идоравий ҳарбийлаштирилган қўриқлаш бўлинмаларининг ишчи ва хизматчилари учун касбий тайёргарлик якунлари бўйича синов имтиҳонларини ўтказиш Вазирлар Маҳкамасининг 2022 йил 1 ноябрдаги 630-сон қарори билан тасдиқланган Идоравий ҳарбийлаштирилган қўриқлаш бўлинмалари ишчиларининг ва хизматчиларининг касбий тайёргарлигини амалга ошириш тартиби тўғрисидаги низом асосида амалга оширилади.

15. Синовни ўтказиш ва баҳолаш таркибида идоравий қоровуллик бўлинмалари бўлган объект раҳбарининг буйруғи билан ташкил этилган комиссия (бундан буён матнда комиссия деб юритилади) томонидан амалга оширилади.

Бунда, комиссия объект раҳбарининг камида беш нафар мутахассисларидан иборат таркибда ташкил этилади.

16. Комиссия томонидан касбий тайёргарлик машғулотларининг иккинчи ўқув босқичи якунига етказилган куннинг ўзида синов ўтказиладиган вақт ва жой ҳақида ишчи ва хизматчиларни хабардор қилади.

17. Синовлар қуйидагилар бўйича ўтказилади:

жисмоний тайёргарлик бўйича (эркак жинсидаги ишчи ва хизматчилар учун тўсинда тортилиш, аёл жинсидаги ишчи ва хизматчилар учун куч ишлатиш машқлари, шунингдек уларнинг иккаласи учун белгиланган масофаларга югуриш);

жанговар тайёргарлик юзасидан хизмат қуролидан ўқ отиш бўйича (хизмат қуроли бириктирилмаган ишчилар ва хизматчилар бундан мустасно).

18. Ишчи ва хизматчиларнинг жисмоний тайёргарлик даражасини аниқлаш мазкур Низомнинг 1-иловасига мувофиқ Ишчи ва хизматчиларнинг жисмоний тайёргарлик даражасини баҳолаш бўйича тадбирларни ўтказиш методикаси асосида амалга оширилади.

Бунда, ишчи ва хизматчиларга ҳар бир машқни бажарганлик учун балл берилади. Умумий тўпланиши мумкин бўлган максимал балл — 30 баллни ташкил этади.

Ишчи ва хизматчиларнинг жисмоний тайёргарлик даражасини баҳолаш машқларидан жами тўпланган балли 15 баллдан паст бўлган тақдирда улар қоникарсиз баҳоланган деб ҳисобланади.

19. Ишчи ва хизматчиларнинг хизмат қуролидан ўқ отиш тайёргарлик даражасини аниқлаш мазкур Низомнинг 2-иловасига* мувофиқ Ишчи ва хиз-

* 2-илова «Қонунчилик маълумотлари миллий базаси»да эълон қилинган.

матчиларнинг хизмат қуролидан ўқ отиш тайёргарлик даражасини баҳолаш тадбирларини ўтказиш методикаси асосида ўтказилади.

Бунда, ишчи ва хизматчиларга ҳар бир машқни бажарганлик учун балл берилади. Умумий тўпланиши мумкин бўлган максимал балл — 30 баллни ташкил этади.

Ишчи ва хизматчиларнинг хизмат қуролидан ўқ отиш тайёргарлик даражасини баҳолаш машқларидан жами тўпланган балли 15 баллдан паст бўлган тақдирда улар қониқарсиз баҳоланган деб ҳисобланади.

20. Ишчи ва хизматчилар томонидан синовларни бажариш бошланишидан олдин уларга синовларни бажаришга қўйиладиган талаблар, бажариш тартиби ҳамда баҳолаш мезонлари комиссия томонидан тушунтирилади.

21. Синовларни бажарган ишчи ва хизматчилар шу вақтнинг ўзида комиссия аъзолари томонидан баҳоланади.

22. Синовларни баҳолаш тадбирлари натижалари бўйича шу куннинг ўзида мазкур Низомнинг 3-иловасига* мувофиқ шаклда қайднома расмийлаштирилади ва натижалар шу заҳоти ишчи ва хизматчиларга эълон қилинади.

Қайднома комиссиянинг барча аъзолари томонидан имзоланади ҳамда шу куннинг ўзида комиссия котибига топширилади.

23. Комиссия томонидан синовларни ўтказиш натижаларига асосан қуйидаги қарорлардан бири қабул қилинади:

ишчи ва хизматчининг касбий тайёргарлик талабларига мувофиқлиги ҳақида;

ишчи ва хизматчининг касбий тайёргарлик талабларига номувофиқлиги ҳақида.

24. Узрли сабабларга кўра (таътил, хизмат сафари, меҳнатга вақтинча лаёқатсиз бўлган давр) ўқув босқичи якуни бўйича ўтказилган синовда қатнаша олмаган ишчи ва хизматчилар учун қўшимча синовлар ўтказилади.

Бунда, объект раҳбари томонидан ишчи ва хизматчилар учун қўшимча синовлар улар ўз хизмат фаолиятини бошлаган кундан эътиборан беш кун ичида ўтказилиши керак.

25. Ўқув босқичи даврлари ўртасида ишга (хизматга) қабул қилинган ишчи ва хизматчилар учун ишга (хизматга) қабул қилинган йилда белгиланган синов ўтказилмайди.

26. Синовлардан қониқарсиз баҳоланган ишчи ва хизматчиларга уларнинг натижалари эълон қилинган кундан бошлаб икки ой ичида мазкур Низомнинг 17-бандида назарда тутилган синовларни қайта топшириш учун имконият берилади.

4-боб. Касбий тайёргарлик якунлари бўйича синов имтиҳонлари натижаларидан норози бўлган ишчи ва хизматчиларнинг апелляция шикоятларини кўриб чиқиш

27. Касбий тайёргарлик якунлари бўйича синов имтиҳонлари бошлани-

* 3-илова «Қонунчилик маълумотлари миллий базаси»да эълон қилинган.

шидан олдин жисмоний тайёргарлик ва хизмат қуролидан ўқ отиш тайёргарлик даражасини аниқлаш натижалари юзасидан ишчи ва хизматчиларнинг ариза ва шикоятларини кўриб чиқиш учун объект раҳбарининг буйруғига асосан камида беш нафар мутахассисларидан иборат таркибда Апелляция комиссияси ташкил этилади.

Касбий тайёргарлик яқунлари бўйича синов имтиҳонларини ўтказишга масъул бўлган шахсларнинг Апелляция комиссияси таркибига киритилишига йўл қўйилмайди.

28. Касбий тайёргарлик яқунлари бўйича синов имтиҳонлари натижаларидан норози бўлган ишчи ва хизматчи ушбу натижалар бўйича хабардор қилинган кундан эътиборан ўн беш кун ичида Апелляция комиссиясига шикоят қилиши мумкин.

29. Апелляция комиссияси касбий тайёргарлик яқунлари бўйича синов имтиҳонлари натижаларидан норози бўлган ишчи ва хизматчини шикоят кўриб чиқилишидан икки кун олдин уни кўриб чиқиш вақти ва жойи ҳақида огоҳлантиради.

30. Апелляция комиссияси шикоят келиб тушган кундан бошлаб, беш кун ичида мазкур шикоятни кўриб чиқиб, қарор қабул қилиши шарт.

Бунда, касбий тайёргарлик яқунлари бўйича синов имтиҳонлари натижаларидан норози бўлган ишчи ва хизматчи мазкур шикоятни кўриб чиқишда иштирок этиш ҳуқуқига эга.

31. Шикоятни кўриб чиқиш натижалари бўйича Апелляция комиссияси томонидан қўйидаги қарорлардан бири қабул қилинади:

касбий тайёргарлик яқунлари бўйича синов имтиҳонлари натижаларини ўзгаришсиз қолдириш;

касбий тайёргарлик яқунлари бўйича синов имтиҳонлари натижаларига ўзгартириш киритиш.

Апелляция шикоятини кўришда ишчи ва хизматчиларнинг синов имтиҳонлари натижасида олган балини пасайтиришга йўл қўйилмайди.

32. Апелляция комиссияси қарори устидан ишчи ва хизматчи юқори турувчи органга ёки судга шикоят қилиниши мумкин.

5-боб. Яқуний қоида

33. Ушбу Низом талабларининг бузилишида айбдор бўлган шахслар қонунчилик ҳужжатларига мувофиқ жавоб берадилар.

ЎЗБЕКИСТОН RESPУБЛИКАСИ
СОҒЛИҚНИ САҚЛАШ ВАЗИРИНИНГ
БУЙРУҒИ

436 Ўзбекистон Республикаси Давлат бюджети маблағлари ҳисобидан қопланадиган, туман (шаҳар) даражасида амбулатор ва стационар шароитда кўрсатиладиган тиббий ёрдамнинг кафолатланган ҳажмлари рўйхатини тасдиқлаш ҳақида*

*Ўзбекистон Республикаси Адлия вазирлиги томонидан 2023 йил
17 октябрда рўйхатдан ўтказилди, рўйхат рақами 3465*

Ўзбекистон Республикаси Конституциясининг 48-моддаси, Ўзбекистон Республикасининг «Фуқаролар соғлигини сақлаш тўғрисида»ги Қонуни, Ўзбекистон Республикаси Президентининг 2021 йил 25 майдаги ПҚ–5124-сон «Соғлиқни сақлаш соҳасини комплекс ривожлантиришга доир қўшимча чора-тадбирлар тўғрисида»ги, 2023 йил 20 июндаги ПҚ–197-сон «Маъмурий ислохотлар доирасида соғлиқни сақлаш соҳасида давлат бошқарувини самарали ташкил қилиш чора-тадбирлари тўғрисида»ги қарорлари ва Вазирлар Маҳкамасининг 2019 йил 30 сентябрдаги 832-сон «Ўзбекистон Республикаси Давлат бюджети маблағлари ҳисобидан қопланадиган тиббий ёрдамнинг кафолатланган ҳажмлари рўйхатини шакллантириш тартиби тўғрисидаги низомни тасдиқлаш ҳақида»ги қарорига мувофиқ **буюраман:**

1. Ўзбекистон Республикаси Давлат бюджети маблағлари ҳисобидан қопланадиган, туман (шаҳар) даражасида амбулатор ва стационар шароитда кўрсатиладиган тиббий ёрдамнинг кафолатланган ҳажмлари рўйхати иловага* мувофиқ тасдиқлансин.

2. Мазкур буйруқ Ўзбекистон Республикаси Иқтисодиёт ва молия вазирлиги ҳамда Давлат тиббий сўғуртаси жамғармаси билан келишилган.

3. Ушбу буйруқ расмий эълон қилинган кундан эътиборан кучга киради.

Вазир

А. ИНОЯТОВ

Тошкент ш.,
2023 йил 13 октябрь,
41-сон

* Ушбу буйруқ «Қонунчилик маълумотлари миллий базаси»да 2023 йил 17 октябрда эълон қилинган.

** Илова «Қонунчилик маълумотлари миллий базаси»да эълон қилинган.

Келишилди:

Иқтисодиёт ва молия вазири

А. КУЧКАРОВ

2023 йил 11 октябрь

*Давлат тиббий суғуртаси
жамғармаси ижро этувчи
директорнинг биринчи ўринбосари*

З. ЭРМАТОВ

2023 йил 11 октябрь

O‘ZBEKISTON RESPUBLIKASI ADLIYA VAZIRINING
BUYRUG‘I

437 “Tovar belgisi va xizmat ko‘rsatish belgisini ro‘yxatdan o‘tkazish uchun talabnoma tuzish, topshirish va ko‘rib chiqish qoidalarini tasdiqlash to‘g‘risida”gi buyruq, shuningdek unga o‘zgartirish va qo‘shimchalarni o‘z kuchini yo‘qotgan deb topish haqida*

*O‘zbekiston Respublikasi Adliya vazirligi tomonidan 2023-yil
19-oktabrda ro‘yxatdan o‘tkazildi, ro‘yxat raqami 1988-7*

O‘zbekiston Respublikasi Vazirlar Mahkamasining 2023-yil 19-sentabrdagi 480-son “Tovar belgilari va xizmat ko‘rsatish belgilarini ro‘yxatdan o‘tkazish bo‘yicha davlat xizmatini ko‘rsatishning ma‘muriy reglamentini tasdiqlash to‘g‘risida”gi qaroriga muvofiq **buyuraman:**

1. Ayrim idoraviy normativ-huquqiy hujjatlar ilovaga muvofiq o‘z kuchini yo‘qotgan deb topilsin.

2. Mazkur buyruq rasmiy e‘lon qilingan kundan e‘tiboran kuchga kiradi.

Vazir

A. TASHKULOV

Toshkent sh.,
2023-yil 19-oktabr,
13-mh-son

O‘zbekiston Respublikasi
adliya vazirining 2023-yil 19-oktabrdagi
13-mh-son buyrug‘iga
ILOVA

**O‘z kuchini yo‘qotgan deb topilayotgan idoraviy
normativ-huquqiy hujjatlar
RO‘YXATI**

1. O‘zbekiston Respublikasi Davlat patent idorasi direktorining 2009-yil 24-iyundagi 72-son “Tovar belgisi va xizmat ko‘rsatish belgisini ro‘yxatdan o‘tkazish uchun talabnoma tuzish, topshirish va ko‘rib chiqish qoidalarini tasdiqlash to‘g‘risida”gi buyrug‘i (ro‘yxat raqami 1988, 2009-yil 29-iyul) (O‘zbekiston Respublikasi qonun hujjatlari to‘plami, 2009-y., 30-31-son, 353-modda).

2. O‘zbekiston Respublikasi Intellektual mulk agentligi bosh direktorining 2011-yil 26-avgustdagi 35-son “Tovar belgisi va xizmat ko‘rsatish belgisini ro‘yxatdan o‘tkazish uchun talabnoma tuzish, topshirish va ko‘rib chiqish qoidalariga o‘zgartirishlar kiritish to‘g‘risida”gi buyrug‘i (ro‘yxat raqami 1988-1,

* Ushbu buyruq «Qonunchilik ma‘lumotlari milliy bazasi»da 2023-yil 20-oktabrda e‘lon qilingan.

2011-yil 30-sentabr) (O'zbekiston Respublikasi qonun hujjatlari to'plami, 2011-y., 40-son, 417-modda).

3. O'zbekiston Respublikasi Intellektual mulk agentligi bosh direktorining 2013-yil 8-avgustdagi 107-son "Tovar belgisi va xizmat ko'rsatish belgisini ro'yxatdan o'tkazish uchun talabnoma tuzish, topshirish va ko'rib chiqish qoidalariga o'zgartirish va qo'shimchalar kiritish to'g'risida"gi buyrug'i (ro'yxat raqami 1988-2, 2013-yil 12-sentabr) (O'zbekiston Respublikasi qonun hujjatlari to'plami, 2013-y., 37-son, 489-modda).

4. O'zbekiston Respublikasi Intellektual mulk agentligi bosh direktorining 2017-yil 6-noyabrdagi 20-son "Tovar belgisi va xizmat ko'rsatish belgisini ro'yxatdan o'tkazish uchun talabnoma tuzish, topshirish va ko'rib chiqish qoidalarining 29-bandiga qo'shimcha kiritish to'g'risida"gi buyrug'i (ro'yxat raqami 1988-3, 2017-yil 16-noyabr) (Qonun hujjatlari ma'lumotlari milliy bazasi, 17.11.2017-y., 10/17/1988-3/0269-son).

5. O'zbekiston Respublikasi adliya vazirining 2021-yil 7-oktabrdagi 17-mh-son "Tovar belgisi va xizmat ko'rsatish belgisini ro'yxatdan o'tkazish uchun talabnoma tuzish, topshirish va ko'rib chiqish qoidalariga o'zgartirish va qo'shimchalar kiritish haqida"gi buyrug'i (ro'yxat raqami 1988-4, 2021-yil 8-oktabr) (Qonunchilik ma'lumotlari milliy bazasi, 08.10.2021-y., 10/21/1988-4/0941-son).

6. O'zbekiston Respublikasi adliya vazirining 2022-yil 7-martdagi 4-mh-son "Tovar belgisi va xizmat ko'rsatish belgisini ro'yxatdan o'tkazish uchun talabnoma tuzish, topshirish va ko'rib chiqish qoidalarining 35-bandiga o'zgartirish kiritish haqida"gi buyrug'i (ro'yxat raqami 1988-5, 2022-yil 7-mart) (Qonunchilik ma'lumotlari milliy bazasi, 07.03.2022-y., 10/22/1988-5/0192-son).

7. O'zbekiston Respublikasi adliya vazirining 2022-yil 11-apreldagi 10-mh-son "Tovar belgisi va xizmat ko'rsatish belgisini ro'yxatdan o'tkazish uchun talabnoma tuzish, topshirish va ko'rib chiqish qoidalarining 4-bandiga o'zgartirish kiritish haqida"gi buyrug'i (ro'yxat raqami 1988-6, 2022-yil 11-aprel) (Qonunchilik ma'lumotlari milliy bazasi, 11.04.2022-y., 10/22/1988-6/0295-son).

ЎЗБЕКИСТОН РЕСПУБЛИКАСИ
ДАВЛАТ ХАВФСИЗЛИК ХИЗМАТИ РАИСИНИНГ
БУЙРУҒИ

438 Ўзбекистон Республикаси Давлат хавфсизлик хизмати байроғи ва эмблемасидан фойдаланиш тартиби тўғрисидаги низомни тасдиқлаш ҳақида*

Ўзбекистон Республикаси Адлия вазирлиги томонидан 2023 йил 19 октябрда рўйхатдан ўтказилди, рўйхат рақами 3466

Ўзбекистон Республикасининг «Ўзбекистон Республикаси Давлат хавфсизлик хизмати тўғрисида»ги Қонуни ва Ўзбекистон Республикаси Президентининг 2018 йил 14 мартдаги ПФ–5379-сон «Ўзбекистон Республикасининг давлат хавфсизлиги тизимини такомиллаштириш чора-тадбирлари тўғрисида»ги Фармониға мувофиқ **буюраман**:

1. Ўзбекистон Республикаси Давлат хавфсизлик хизмати байроғи ва эмблемасидан фойдаланиш тартиби тўғрисидаги низом иловаға мувофиқ тасдиқлансин.

2. Мазкур буйруқ расмий эълон қилинган кундан эътиборан кучға қиради.

Раис

А. АЗИЗОВ

Тошкент ш.,
2023 йил 14 октябрь,
113-сон

* Ушбу қарор «Қонунчилик маълумотлари миллий базаси»да 2023 йил 20 октябрда эълон қилинган.

Ўзбекистон Республикаси
Давлат хавфсизлик хизмати Раисининг
2023 йил 14 октябрдаги 113-сон буйруғига
ИЛОВА

**Ўзбекистон Республикаси Давлат хавфсизлик хизмати
байроғи ва эмблемасидан фойдаланиш тартиби тўғрисидаги
НИЗОМ**

Ушбу Низом Ўзбекистон Республикаси Давлат хавфсизлик хизмати (бундан буён матнда Хизмат деб юритилади) байроғи ва эмблемасини тайёрлаш, ундан фойдаланиш, сақлаш ва йўқ қилиш тартибини белгилайди.

1-боб. Умумий қоидалар

1. Хизмат байроғи ва эмблемаси Хизматнинг расмий рамзлари ҳисобланади.

2. Хизмат байроғи ва эмблемаси ўлчамидан қатъи назар, Ўзбекистон Республикаси Президентининг 2018 йил 14 мартдаги ПФ-5379-сон «Ўзбекистон Республикасининг Давлат хавфсизлиги тизимини такомиллаштириш чора-тадбирлари тўғрисида»ги Фармонида келтирилган намуналарга мувофиқ бўлиши керак.

3. Хизмат байроғи ва эмблемаси Хизмат ҳарбий хизматчилари учун Ватанга садоқат билан хизмат қилишни, Ўзбекистоннинг давлат суверенитетини, ҳудудий яхлитлигини ва хавфсизлигини ҳимоя қилиш муқаддас бурч эканлигини эслатиб туришга хизмат қилади.

**2-боб. Хизмат байроғи ва эмблемасини тайёрлаш ва ундан
фойдаланиш**

4. Хизмат байроғи ва эмблемасини тайёрлаш қонунчиликда белгиланган тартибда амалга оширилади.

5. Хизмат байроғидан қўйидаги бино ва иншоотларда фойдаланилади:
Хизмат марказий девони биносида ва раҳбарияти хизмат хоналарида;

Хизматнинг Қорақалпоғистон Республикаси, вилоятлар ва Тошкент шаҳри бўйича бошқармалари, уларнинг туманлар (шаҳарлар) бўйича бўлимлари (бўлинмалари), Хизматнинг чегара қўшинлари, шунингдек Хизматнинг зиммасига юклатилган вазифаларни бажариш учун ташкил этиладиган бошқа органлар биноларида;

Хизматнинг Қорақалпоғистон Республикаси, вилоятлар ва Тошкент шаҳри бўйича бошқармалари, уларнинг туманлар (шаҳарлар) бўйича бўлимлари (бўлинмалари), Хизматнинг чегара қўшинлари, шунингдек Хизматнинг зиммасига юклатилган вазифаларни бажариш учун ташкил этиладиган бошқа органлар бошлиқларининг хизмат хоналарида;

Хизмат тарихи музейи, маънавият ва маърифат хоналарида ҳамда мажлислар залларида;

Хизмат иштирокида ёки ташаббуси билан ташкил этилаётган спорт мусобақалари ва бошқа тадбирлар ўтказилаётган бино ва иншоотларда.

6. Хизмат байроғи Ўзбекистон Республикаси ва Қорақалпоғистон Республикасининг Давлат байроқлари билан бир вақтда кўтарилганда ўнг томондан кўтарилади (бинонинг фасад қисмига қараб турганда).

Хизмат байроғи Ўзбекистон Республикаси ва Қорақалпоғистон Республикасининг Давлат байроқлари билан бир текис жойлаштирилади.

7. Хизмат байроғи биноларнинг асосий кириш жойида ёки бунинг учун мақбул бўлган бошқа жойда ёхуд тегишли тутқичи бўлган дастада ёки флагштокда байроқнинг дастаси бинонинг олд томони билан кўпи билан 45 градусли бурчак ҳосил қиладиган тарзда кўтарилади.

Кўтариб қўйилган Хизмат байроғининг матоси ер сатҳидан камида 2,5 метр баландликда бўлиши керак.

8. Хизмат байроғи тасвири қуйидаги ҳолларда қўлланилиши мумкин:

Хизмат автотранспорт воситалари, махсус ва ҳарбий техникаларида;

Хизмат ҳарбий хизматчиларининг ҳарбий формали кийим-кечакларида ва фарқловчи нишонларида;

Хизмат ҳарбий хизматчилари учун ўтказиладиган ўқув-тарбия жараёнида;

Хизмат расмий веб-сайтларида.

9. Хизмат эмблемаси қуйидагиларда жойлаштирилади:

Хизмат марказий девони биносида ва раҳбарияти хизмат хоналарида;

Хизматнинг Қорақалпоғистон Республикаси, вилоятлар ва Тошкент шаҳри бўйича бошқармалари, уларнинг туманлар (шаҳарлар) бўйича бўлимлари (бўлинмалари), Хизматнинг чегара қўшинлари, шунингдек Хизматнинг зиммасига юклатилган вазифаларни бажариш учун ташкил этиладиган бошқа органлар биноларида;

Хизмат офицерлар таркибидаги ҳарбий хизматчиларнинг хизмат гувоҳномасида.

10. Хизмат эмблемаси тасвири қуйидаги ҳолларда қўлланилиши мумкин:

Хизмат автотранспорт воситалари, махсус ва ҳарбий техникаларида;

Хизмат ҳарбий хизматчиларининг ҳарбий формали кийим-кечакларида ва фарқловчи нишонларида;

Хизмат тарихи музейи, маънавият ва маърифат хоналарида ҳамда мажлислар залларида;

Хизмат ҳарбий хизматчилари учун ўтказиладиган ўқув-тарбия жараёнида;

Хизмат фахрий ёрлиқларида ҳамда ички ва халқаро ёзишма ҳужжатларида;

Хизмат расмий веб-сайтлари ва нашрларида;

Хизмат идоравий кўкрак ва эсдалик нишонларида.

11. Хизмат байроғи ва эмблемаси тасвиридан қуйидаги ҳолларда фойдаланишга рухсат этилади:

Хизмат буюртмаси бўйича чоп этиладиган босма махсулотларда;

Хизмат томонидан, шунингдек у билан ҳамкорликда суратга олинадиган кино, видео ва фотоматериалларда;

Хизмат буюртмасига кўра тайёрланадиган идоравий, ахборот ва эсдалик совға маҳсулотлари ҳамда қадоқланган пакетларга туширилган тасвир сифатида, шу жумладан логотип, кубок, спорт медаллари, вимпеллар ва дипломларда.

12. Хизмат байроғи ва эмблемаси бутун ҳамда ранги бузилмаган ҳолда кўтарилади ва жойлаштирилади.

13. Хизмат байроғи ва эмблемасининг ўлчами, ўрнатилган ёки жойлаштирилган жойларига мос келиши керак.

14. Жисмоний ва юридик шахслар томонидан товарларни ишлаб чиқариш (ишларни бажариш ва хизмат кўрсатиш) ва реализация қилишда Хизмат байроғи ва эмблемаси тасвири туширилган белгилардан фойдаланиш тақиқланади, бундан Хизмат буюртмасига асосан товарларни ишлаб чиқариш (ишларни бажариш ва хизмат кўрсатиш), шунингдек қонунчиликда назарда тутилган ҳоллар мустасно.

15. Юридик шахсларнинг рамзий белгилари Хизмат байроғи ва эмблемаси билан айнан ўхшаш бўлиши мумкин эмас.

3-боб. Хизмат байроғи ва эмблемасини сақлаш ва йўқ қилиш

16. Хизмат байроғи ва эмблемасини сақлаш, ҳисобини юритиш, бериш ва ишлатиш Хизмат Раиси, Қорақалпоғистон Республикаси, вилоятлар ва Тошкент шаҳри бўйича бошқармалари, уларнинг туманлар (шаҳарлар) бўйича бўлимлари (бўлинмалари), Хизматнинг чегара қўшинлари, шунингдек Хизматнинг зиммасига юклатилган вазифаларни бажариш учун ташкил этиладиган бошқа органлар бошлиқлари томонидан тайинланадиган моддий жавобгар шахслар томонидан таъминланади, бундан ушбу Низомнинг 9-банди тўртинчи хатбошисида назарда тутилган ҳолат мустасно.

17. Хизмат байроқлари ва эмблемалари кейинчалик фойдаланиш учун яроқсизлиги аниқланганда, моддий жавобгар шахс уларни алмаштириш бўйича зарур чоралар кўради.

18. Бинонинг олд томонида жойлаштирилган Хизмат байроғини алмаштириш унинг эскиришига кўра, бир йилда кўпи билан тўрт марта амалга оширилади. Бино ичида ва мажлислар залларидаги байроқ уч йилда бир мартадан кўп бўлмаган муддатда алмаштирилади. Агар белгиланган муддат тамом бўлгандан кейин Хизмат байроғи қониқарли ҳолатда бўлса, у алмаштирилмайди.

19. Хизмат эмблемаси кўпи билан беш йилда бир марта алмаштирилади. Агар ушбу муддат ўтгач белги қониқарли ҳолатда бўлса, у алмаштирилмайди.

20. Дастлабки кўринишини йўқотган ёки фойдаланишга яроқсиз бўлиб қолган Хизмат байроғи ва эмблемасини йўқ қилиш қайта фойдаланишни истисно этиш мақсадида ёқиш, эритиш ва майдалаш йўллари орқали амалга оширилиши шарт.

Фойдаланишга яроқсиз бўлиб қолган Хизмат байроғи ва эмблемасини йўқ қилиш тўғрисида тегишли далолатнома моддий жавобгар шахс томонидан тузилади.

4-боб. Яқунловчи қоида

21. Ушбу Низом талаблари бузилишида айбдор шахслар қонунчилик ҳужжатларида белгиланган тартибда жавоб беради.

ЎЗБЕКИСТОН RESPUBLIKACI ИЧКИ ИШЛАР ВАЗИРИНИНГ
БУЙРУҒИ**439** Ўзбекистон Республикаси Ички ишлар вазирлиги тергов
ҳибсхоналарининг ички тартиб қоидаларига ўзгартириш-
лар ва қўшимча киритиш тўғрисида*

*Ўзбекистон Республикаси Адлия вазирлиги томонидан 2023 йил
19 октябрда рўйхатдан ўтказилди, рўйхат рақами 2456-6*

Ўзбекистон Республикасининг 2019 йил 23 майдаги ЎРҚ–542-сон «Ўзбекистон Республикасининг айрим қонун ҳужжатларига жиноят процесси иштирокчиларининг ҳуқуқлари ҳимоя қилинишини таъминлаш билан боғлиқ ўзгартиш ва қўшимчалар киритиш тўғрисида»ги, 2019 йил 28 августдаги ЎРҚ–558-сон «Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида»ги, 2019 йил 3 декабрдаги ЎРҚ–586-сон «Меҳнатга ҳақ тўлаш, пенсиялар ва бошқа тўловлар миқдорларини аниқлаш тартиби такомиллаштирилганлиги муносабати билан Ўзбекистон Республикасининг айрим қонун ҳужжатларига ўзгартишлар киритиш тўғрисида»ги, 2021 йил 18 ноябрдаги ЎРҚ–729-сон «Ўзбекистон Республикасида коррупцияга қарши курашиш тизими такомиллаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида»ги, 2022 йил 11 мартдаги ЎРҚ–758-сон «Солиқ маъмуриятчилиги такомиллаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида»ги, 2022 йил 17 майдаги ЎРҚ–770-сон «Ўзбекистон Республикасида тиббий-ижтимоий хизматлар тизими такомиллаштирилиши муносабати билан Ўзбекистон Республикасининг айрим қонун ҳужжатларига ўзгартишлар киритиш тўғрисида»ги қонунлари ва Ўзбекистон Республикаси Президентининг 2021 йил 26 мартдаги ПФ–6196-сон «Жамоат хавфсизлигини таъминлаш ва жиноятчиликка қарши курашиш соҳасида ички ишлар органлари фаолиятини сифат жиҳатидан янги босқичга кўтариш чора-тадбирлари тўғрисида»ги Фармонига мувофиқ **буйраман:**

1. Ўзбекистон Республикаси ички ишлар вазирининг 2012 йил 29 декабрдаги 175-сон буйруғи (рўйхат рақами 2456, 2013 йил 13 май) (Ўзбекистон Республикаси қонун ҳужжатлари тўплами, 2013 й., 20-сон, 260-модда) билан тасдиқланган Ўзбекистон Республикаси Ички ишлар вазирлиги тергов ҳибсхоналарининг ички тартиб қоидаларига иловага мувофиқ ўзгартиришлар ва қўшимча киритилсин.

* Ушбу буйруқ «Қонунчилик маълумотлари миллий базаси»да 2023 йил 20 октябрда эълон қилинган.

2. Мазкур буйруқ расмий эълон қилинган кундан эътиборан кучга киради.

Вазир

П. БОБОЖОНОВ

Тошкент ш.,
2023 йил 12 октябрь,
517-сон

Ўзбекистон Республикаси
ички ишлар вазирининг 2023 йил
12 октябрдаги 517-сон буйруғига
ИЛОВА

**Ўзбекистон Республикаси Ички ишлар вазирлиги тергов
ҳибсхоналарининг ички тартиб қоидаларига киритилаётган
ўзгартиришлар ва қўшимча**

1. 5-банддаги «ИИВ Жазони ижро этиш бош бошқармаси (бундан буён матнда ЖИЭББ деб юритилади)» деган сўзлар «ИИВ ҳузуридаги Жазони ижро этиш департаменти (бундан буён матнда ЖИЭД деб юритилади)» деган сўзлар билан алмаштирилсин.

2. Қуйидаги мазмундаги 81-банд билан тўлдирилсин:

«81. Ўзбекистон Республикаси Коррупцияга қарши курашиш агентлиги ходимлари коррупциянинг сабаблари ва шарт-шароитларини ўрганиш ҳамда таҳлил қилиш учун ўз ваколатлари доирасида ТХга монеликсиз кириш ва зарур ҳужжатлар билан танишиш ҳуқуқига эга.

ТХнинг маъмурияти Ўзбекистон Республикаси Коррупцияга қарши курашиш агентлиги ходимларига уларнинг ўз вазифаларини бажариши ва тегишли ҳужжатлар билан танишиши учун зарур шарт-шароитларни таъминлаши шарт».

3. 9-банднинг еттинчи хатбошисидаги «ЖИЭББ» қисқартмаси «ЖИЭД» қисқартмаси билан алмаштирилсин.

4. 18-банддаги «Сақлаш муддати» деган сўзлар «Қамокда сақлаш муддати» деган сўзлар билан алмаштирилсин.

5. 72-банднинг учинчи хатбошисидаги «ногиронларига» деган сўз «ногиронлиги бўлган шахсларга» деган сўзлар билан алмаштирилсин.

6. 96-банд қуйидаги таҳрирда баён этилсин:

«96. Зарур ҳолларда, ТХда сақланаётган тиббий ёрдамга муҳтож шахслар ЖИЭД маъмурияти билан келишилган ҳолда жазони ижро этиш тизимидаги маҳкумлар учун ихтисослашган касалхонага белгиланган тартибда юборилади.»

7. 100-банддаги «энг кам иш ҳақи миқдорининг ўттиз фоизигача» деган сўзлар «меҳнатга ҳақ тўлаш энг кам миқдорининг эллик фоизигача» деган сўзлар билан алмаштирилсин.

8. 107-банддаги «ногиронлари» деган сўз «ногиронлиги бўлган шахслар» деган сўзлар билан алмаштирилсин.

9. 161-банднинг биринчи хатбошисидаги «ЖИЭББга» қисқартмаси «ЖИЭДга» қисқартмаси билан алмаштирилсин.

10. 189-банддаги «бошқа мажбурий тўловлар» деган сўзлар «йиғимлар» деган сўз билан алмаштирилсин.

11. 194-банддаги «ЖИЭББга» қисқартмаси «ЖИЭДга» қисқартмаси билан алмаштирилсин.

12. 197-банддаги «ЖИЭББ» қисқартмаси «ЖИЭД» қисқартмаси билан алмаштирилсин.

13. 234-банддаги «ногиронларига» деган сўз «ногиронлиги бўлган шахсларга» деган сўзлар билан алмаштирилсин.

14. 2, 3, 4, 5, 6, 7, 8, 10-иловалардаги «УЯ-64/___ » деган сўзлар «___ -сон» деган сўзлар билан алмаштирилсин.

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ
ЎЗБЕКИСТОН РЕСПУБЛИКАСИ
РАҚАМЛИ ТЕХНОЛОГИЯЛАР ВАЗИРЛИГИНИНГ
ҚАРОРИ

440 «Давлат хизматлари ягона реестрини тасдиқлаш тўғрисида»ги қарор, шунингдек унга ўзгартириш ва қўшимчаларни ўз кучини йўқотган деб топиш ҳақида*

*Ўзбекистон Республикаси Адлия вазирлиги томонидан 2023 йил
27 октябрда рўйхатдан ўтказилди, рўйхат рақами 3181-4*

Ўзбекистон Республикаси Президентининг 2017 йил 12 декабрдаги ПФ–5278-сон «Аҳолига давлат хизматлари кўрсатишнинг миллий тизимини тубдан ислоҳ қилиш чора-тадбирлари тўғрисида»ги ва 2022 йил 20 апрелдаги ПФ–113-сон «Давлат хизматлари кўрсатишни содалаштириш, бюрократик тўсиқларни қисқартириш ҳамда давлат хизматлари кўрсатиш миллий тизимини ривожлантиришнинг қўшимча чора-тадбирлари тўғрисида»ги фармонларига асосан Ўзбекистон Республикаси Адлия вазирлиги ва Рақамли технологиялар вазирлиги **қарор қилади:**

1. Айрим идоравий норматив-ҳуқуқий ҳужжатлар иловага мувофиқ ўз кучини йўқотган деб топилсин.
2. Мазкур қарор расмий эълон қилинган кундан эътиборан кучга киради.

Адлия вазири

А. ТАШКУЛОВ

Тошкент ш.,
2023 йил 27 октябрь,
3-сон

Рақамли технологиялар вазири

Ш. ШЕРМАТОВ

Тошкент ш.,
2023 йил 26 октябрь,
23/11-сон

* Ушбу қарор «Қонунчилик маълумотлари миллий базаси»да 2023 йил 30 октябрда эълон қилинган.

Ўзбекистон Республикаси
Адлия вазирлигининг 2023 йил 27 октябрдаги
3-сон ва Рақамли технологиялар
вазирлигининг 2023 йил 26 октябрдаги
23/11-сон қарорига
ИЛОВА

**Ўз кучини йўқотган деб топилаётган идоравий
норматив-ҳуқуқий ҳужжатлар
РЎЙХАТИ**

1. Ўзбекистон Республикаси Адлия вазирлиги ва Ўзбекистон Республикаси Президенти ҳузуридаги Лойиҳа бошқаруви миллий агентлигининг 2019 йил 31 июлдаги 6, 136-сон «Давлат хизматлари ягона реестрини тасдиқлаш тўғрисида»ги қарори (рўйхат рақами 3181, 2019 йил 13 сентябрь) (Қонун ҳужжатлари маълумотлари миллий базаси, 13.09.2019 й., 19/19/3181/3738-сон).

2. Ўзбекистон Республикаси Адлия вазирлигининг 2020 йил 31 августдаги 2-сон ва Ахборот технологиялари ва коммуникацияларини ривожлантириш вазирлигининг 2020 йил 26 августдаги 203-мх-сон «Давлат хизматлари ягона реестрига қўшимча ва ўзгартиришлар киритиш тўғрисида»ги қарори (рўйхат рақами 3181-1, 2020 йил 31 август) (Қонун ҳужжатлари маълумотлари миллий базаси, 31.08.2020 й., 10/20/3181-1/1270-сон).

3. Ўзбекистон Республикаси Адлия вазирлигининг 2021 йил 18 октябрдаги 2-сон ва Ахборот технологиялари ва коммуникацияларини ривожлантириш вазирлигининг 2021 йил 8 октябрдаги 218-мх-сон «Давлат хизматлари ягона реестрига ўзгартириш ва қўшимчалар киритиш тўғрисида»ги қарори (рўйхат рақами 3181-2, 2021 йил 18 октябрь) (Қонунчилик маълумотлари миллий базаси, 18.10.2021 й., 10/21/3181-2/0973-сон).

4. Ўзбекистон Республикаси Адлия вазирлигининг 2022 йил 27 июлдаги 4-сон ва Ахборот технологиялари ва коммуникацияларини ривожлантириш вазирлигининг 2022 йил 27 июлдаги 230-мх-сон «Давлат хизматлари ягона реестрига қўшимча ва ўзгартиришлар киритиш тўғрисида»ги қарори (рўйхат рақами 3181-3, 2022 йил 27 июль) (Қонунчилик маълумотлари миллий базаси, 27.07.2022 й., 10/22/3181-3/0678-сон).

ЎЗБЕКИСТОН РЕСПУБЛИКАСИ АДЛИЯ ВАЗИРИНИНГ
БУЙРУҒИ**441** Давлат хизматлари ягона реестрини тасдиқлаш тўғриси-
да*

*Ўзбекистон Республикаси Адлия вазирлиги томонидан 2023 йил
27 октябрда рўйхатдан ўтказилди, рўйхат рақами 3467*

Ўзбекистон Республикаси Президентининг 2017 йил 12 декабрдаги ПФ–5278-сон «Аҳолига давлат хизматлари кўрсатишнинг миллий тизимини тубдан ислоҳ қилиш чора-тадбирлари тўғрисида»ги, 2022 йил 20 апрелдаги ПФ–113-сон «Давлат хизматлари кўрсатишни соддалаштириш, бюрократик тўсиқларни қисқартириш ҳамда давлат хизматлари кўрсатиш миллий тизимини ривожлантиришнинг қўшимча чора-тадбирлари тўғрисида»ги фармонлари ҳамда Ўзбекистон Республикаси Президентининг 2018 йил 13 апрелдаги ПҚ–3666-сон «Ўзбекистон Республикаси Адлия вазирлиги фаолиятини янада такомиллаштиришга доир ташкилий чора-тадбирлар тўғрисида»ги қарорига мувофиқ **буюраман:**

1. Давлат хизматлари ягона реестри иловага** мувофиқ тасдиқлансин.
2. Мазкур буйруқ расмий эълон қилинган кундан эътиборан кучга киради.

Вазир**А. ТАШКУЛОВ**

Тошкент ш.,
2023 йил 27 октябрь,
14-мҳ-сон

* Ушбу буйруқ «Қонунчилик маълумотлари миллий базаси»да 2023 йил 30 октябрда эълон қилинган.

** Илова «Қонунчилик маълумотлари миллий базаси»да эълон қилинган.

**Ўзбекистон Республикаси Адлия вазирлигининг
вазирликлар, давлат қўмиталари ва идораларнинг
норматив-ҳуқуқий ҳужжатларини давлат рўйхатидан
ўтказиш ҳолати тўғрисида
МАЪЛУМОТИ**

1. Давлат рўйхатидан ўтказилди:

1. Ўзбекистон Республикаси Бош прокуратураси ҳузуридаги Иқтисодий жиноятларга қарши курашиш департаменти бошлигининг 2023 йил 28 сентябрдаги 37-сон «Қимматбаҳо металл ва қимматбаҳо тошлар билан боғлиқ бўлган операцияларни амалга оширувчи шахслар учун жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича ички назорат қоидаларига ўзгартиришлар киритиш тўғрисида»ги буйруғи.

2023 йил 16 октябрда рўйхатдан ўтказилди, рўйхат рақами 2034-7.

2. Ўзбекистон Республикаси Миллий гвардияси қўмондонининг 2023 йил 28 сентябрдаги 250-сон «Идоравий ҳарбийлаштирилган қўриқлаш ҳамда идоравий қоровуллик бўлинмалари ишчиларининг ва хизматчиларининг хизмат-жанговар, ижтимоий-ҳуқуқий, ахлоқий-руҳий ҳамда жисмоний тайёргарлигини амалга ошириш тартиби тўғрисидаги низомни тасдиқлаш ҳақида»ги буйруғи.

2023 йил 16 октябрда рўйхатдан ўтказилди, рўйхат рақами 3464.

3. Ўзбекистон Республикаси соғлиқни сақлаш вазирининг 2023 йил 13 октябрдаги 41-сон «Ўзбекистон Республикаси Давлат бюджети маблағлари ҳисобидан қопладиган, туман (шаҳар) даражасида амбулатор ва стационар шароитда кўрсатиладиган тиббий ёрдамнинг кафолатланган ҳажмлари рўйхатини тасдиқлаш ҳақида»ги буйруғи.

2023 йил 17 октябрда рўйхатдан ўтказилди, рўйхат рақами 3465.

4. O'zbekiston Respublikasi adliya vazirining 2023-yil 19-oktabrdagi 13-mh-son «Tovar belgisi va xizmat ko'rsatish belgisini ro'yxatdan o'tkazish uchun talabnoma tuzish, topshirish va ko'rib chiqish qoidalarini tasdiqlash to'g'risida»gi buyruq, shuningdek unga o'zgartirish va qo'shimchalarni o'z kuchini yo'qotgan deb topish haqida»gi buyrug'i

2023-yil 19-oktabrda ro'yxatdan o'tkazildi, ro'yxat raqami 1988-7.

5. Ўзбекистон Республикаси Давлат хавфсизлик хизмати раисининг

2023 йил 14 октябрдаги 113-сон «Ўзбекистон Республикаси Давлат хавфсизлик хизмати байроғи ва эмблемасидан фойдаланиш тартиби тўғрисидаги низомни тасдиқлаш ҳақида»ги буйруғи.

2023 йил 19 октябрда рўйхатдан ўтказилди, рўйхат рақами 3466.

6. Ўзбекистон Республикаси ички ишлар вазирининг 2023 йил 12 октябрдаги 517-сон «Ўзбекистон Республикаси Ички ишлар вазирлиги тергов ҳибсхоналарининг ички тартиб қоидаларига ўзгартиришлар ва қўшимча киритиш тўғрисида»ги буйруғи.

2023 йил 19 октябрда рўйхатдан ўтказилди, рўйхат рақами 2456-6.

7. Ўзбекистон Республикаси Адлия вазирлигининг 2023 йил 27 октябрдаги 3-сон ва Рақамли технологиялар вазирлигининг 2023 йил 26 октябрдаги 23/11-сон «Давлат хизматлари ягона реестрини тасдиқлаш тўғрисида»ги қарор, шунингдек унга ўзгартириш ва қўшимчаларни ўз кучини йўқотган деб топиш ҳақида»ги қарори.

2023 йил 27 октябрда рўйхатдан ўтказилди, рўйхат рақами 3181-4.

8. Ўзбекистон Республикаси адлия вазирининг 2023 йил 27 октябрдаги 14-мх-сон «Давлат хизматлари ягона реестрини тасдиқлаш тўғрисида»ги буйруғи.

2023 йил 27 октябрда рўйхатдан ўтказилди, рўйхат рақами 3467.

II. Давлат реестридан чиқарилди:

1. Ўзбекистон Республикаси Давлат патент идораси директорининг 2009 йил 24 июндаги 72-сон «Товар белгиси ва хизмат кўрсатиш белгисини рўйхатдан ўтказиш учун талабнома тузиш, топшириш ва кўриб чиқиш қоидаларини тасдиқлаш тўғрисида»ги буйруғи (рўйхат рақами 1988, 2009 йил 29 июль), шунингдек унга ўзгартиришлар ва қўшимчалар (рўйхат рақами 1988-1, 2011 йил 30 сентябрь), (рўйхат рақами 1988-2, 2013 йил 12 сентябрь), (рўйхат рақами 1988-3, 2017 йил 16 ноябрь), (рўйхат рақами 1988-4, 2021 йил 8 октябрь), (рўйхат рақами 1988-5, 2022 йил 7 март), (рўйхат рақами 1988-6, 2022 йил 11 апрель).

2023 йил 19 октябрда давлат реестридан чиқарилди.

2. Ўзбекистон Республикаси Адлия вазирлиги ва Лойиҳа бошқаруви миллий агентлигининг 2019 йил 31 июлдаги 6, 136-сон «Давлат хизматлари ягона реестрини тасдиқлаш тўғрисида»ги қарори (рўйхат рақами 3181, 2019 йил 13 сентябрь), шунингдек унга ўзгартиришлар ва қўшимчалар (рўйхат рақами 3181-1, 2020 йил 31 август), (рўйхат рақами 3181-2, 2021 йил 18 октябрь), (рўйхат рақами 3181-3, 2022 йил 27 июль).

2023 йил 27 октябрда давлат реестридан чиқарилди.

Мазкур ҳужжатлар қонунчиликка ўзгартириш киритилиши ва/ёки янги норматив-ҳуқуқий ҳужжатлар қабул қилиниши муносабати билан давлат реестридан чиқарилди.